



OPŠTI USLOVI OPERATIVNOG LEASINGA SA USLOVIMA PRUŽANJA DODATNIH USLUGA PORSCHE LEASING D.O.O.

I DIO - OPERATIVNI LEASING - OPŠTI USLOVI ZA ZAKLJUČENJE UGOVORA O OPERATIVNOM LEASINGU

Ovi Opšti uslovi za operativni leasing (u daljem tekstu: **Opšti uslovi**) su sastavni dio svakog Ugovora o operativnom leasingu (u daljem tekstu: **Ugovor**). Izrazi definisani Ugovorom imaju, ako drugačije nije izričito određeno, isto značenje i u Opštim uslovima. Upotreba pojedinih odredbi Opštih uslova u Ugovoru može biti isključena samo u slučaju kada je to izričito ugovoreno.

ZNAČENJE IZRAZA:

Leasing je pravni posao u kojem Davalac leasinga prenosi pravo posjedovanja i korištenja Predmeta leasinga na Korisnika leasinga na određeni vremenski rok, a zauzvrat Korisnik leasinga se obavezuje da mu za to plaća ugovorenu leasing naknadu.

Operativni leasing je pravni posao u kojem Korisnik leasinga u periodu posjedovanja i korištenja Predmeta leasinga plaća Davaocu leasinga određenu naknadu bez opcije kupovine i sticanja prava vlasništva nad Predmetom leasinga.

Ugovor podrazumijeva Ugovor o operativnom leasingu zajedno sa Opštim uslovima, Zahtjevom za zaključenje Ugovora, Ponudom, Otplatnim planom, Pozivom za prvo plaćanje, Zapisnikom o preuzimanju Predmeta leasinga u ime Davaoca leasinga, punomoćima, Aneksima na Ugovor i dodatnim ugovorima ukoliko postoje, kao njegovim sastavnim, neodvojivim i obavezujućim dijelovima. U slučaju kada se sa Korisnikom leasinga potpisuje poseban ugovor (Generalni sporazum) u kojem su neke odredbe Ugovora isključene ili drugačija definisane, primjenjivat će se odredbe Generalnog sporazuma.

Davalac leasinga označava „Porsche leasing“ d.o.o.

Korisnik leasinga označava pravno ili fizičko lice, koje je sa Davaocem leasinga zaključilo Ugovor kao glavni dužnik, na osnovu kojeg stiče pravo posjedovanja i korištenja Predmeta leasinga.

Sudužnik označava pravno ili fizičko lice koje je sa Davaocem leasinga zaključilo Ugovor, na osnovu kojeg odgovara Davaocu leasinga sa Korisnikom leasinga, pod jednakim uslovima kao i Korisnik leasinga, za sve obaveze Korisnika leasinga.

Dobavljač Predmeta leasinga je lice koje je prema slobodnoj volji i vlastitom nahođenju odabrao Korisnik leasinga, te koje na osnovu ugovora ili na drugi zakonom propisan način nabavlja i isporučuje Predmet leasinga, te na Davaoca leasinga prenosi pravo vlasništva nad Predmetom leasinga.

Predmet leasinga je pokretna ili nepokretna stvar, u skladu sa propisima koji uređuju vlasništvo, odnosno druga stvarna prava, nabavka i korištenje koje se finansira putem operativnog leasinga, a koja je jasno naznačena u Ugovoru.

Leasing naknada je novčani iznos koji Korisnik leasinga plaća Davaocu leasinga na osnovu posjedovanja i korištenja Predmeta leasinga, a čiji je iznos prikazan u Ugovoru. Ukupna naknada, koja se naplaćuje od Korisnika leasinga po Ugovoru, obuhvata troškove zaključenja Ugovora Davaoca leasinga, kao i sve ostale troškove koji su poznati i izvjesni, te je promjenjiva u skladu sa odredbama Ugovora.

Naknade dodatnih usluga je novčani iznos koji Korisnik leasinga plaća Davaocu leasinga na osnovu pružanja ugovorenih dodatnih usluga, a čiji je iznos prikazan u Ugovoru.

Ostatak vrijednosti predstavlja predvidivu vrijednost, koja se određuje na osnovu očekivanog korištenja i amortizacije Predmeta leasinga ili predviđenog broja pređenih kilometara kod motornih vozila. Ostatak vrijednosti služi isključivo kao osnov za izračun mjesečne leasing naknade, te ne predstavlja otkupnu cijenu Predmeta leasinga.

Akontacijska naknada je iznos koji Korisnik leasinga unaprijed plaća Davaocu leasinga prilikom zaključenja Ugovora, a za koji se umanjuje iznos ukupne leasing naknade, te koja se ne vraća Korisniku leasinga u slučaju raskida Ugovora.

Troškovi zaključenja Ugovora obuhvataju troškove zaključenja Ugovora u iznosu izričito navedenom u Ugovoru.

EURIBOR je međubankarska referentna kamatna stopa koja se primjenjuje u zoni Eura. Utvrđuje ga Evropska bankarska federacija i Asocijacija za finansijska tržišta. Izračunava se kao prosjek kamatnih stopa u okviru panela prvoklasnih banaka koje nude sredstva na određeni period i objavljuje se od strane Evropske centralne banke ili TomsonReuters OTC.



Strana sa ograničenjima označava svakog pojedinca ili entitet koji je:

- naveden kao takav, u vlasništvu ili pod kontrolom lica koje se nalazi na listama sankcija,
- vlada zemlje koja se sankcioniše,
- agencija ili instrument, ili entitet direktno ili indirektno u vlasništvu ili pod kontrolom vlade sankcionisane zemlje,
- sa prebivalištem ili se nalazi u sankcionisanoj zemlji, obavlja djelatnosti iz te zemlje ili je osnovan u skladu sa zakonom sankcionisane zemlje,
- meta sankcija, prema najboljem saznanju Korisnika leasinga ili matične kompanije ili sa kojom bi saradnja Davaoca leasinga predstavljala kršenje sankcija.

Sankcija označava ekonomsku ili finansijsku sankciju ili trgovinski embargo ili drugu zabranu u skladu sa zakonima o borbi protiv terorizma ili zakonima u vezi zabrane izvora koji regulišu ponašanje koje nameće, uređuje ili sprovodi bilo koji organ za sankcije.

Sankcionisana zemlja označava svaku zemlju ili drugu teritoriju koja je predmet zajedničkog izvoznog, uvoznog, finansijskog ili investicionog embarga u vezi sa bilo kojim sankcijama počev od datuma ovog sporazuma, uključujući Krim nevladine kontrolisane strane u oblastima Donjecka i Luganska u Ukrajini, Krimu, Kubi, Iranu, Sjevernoj Koreji i Siriji.

Institucije za sankcionisanje su:

- Sjedinjene Američke Države,
- Savjet bezbjednosti Ujedinjenih nacija,
- Evropska Unija ili bilo koja njena država članica,
- Ujedinjeno Kraljevstvo,
- organe Bosne i Hercegovine ili
- odgovarajuće vladine institucije bilo koje od gore navedenih institucija.

Sankcioni spisak označava bilo koju od lista posebno određenih državljana, određenih ili sankcionisanih pojedinaca ili entiteta (ili ekvivalenata) koje izdaje institucija za sankcije sa periodičnim izmjenama, dopunama ili zamjenama.

Primjena Ugovora počinje na dan preuzimanja Predmeta leasinga od strane Korisnika leasinga.

Dodatne usluge podrazumijevaju ugovaranje pratećih usluga uz korištenje vozila čije troškove će snositi Davalac leasinga, a koje će Korisnik leasinga nadoknaditi kroz mjesečne naknade u fiksnom ili obračunskom iznosu u skladu sa Ugovorom i Uslovima pružanja dodatnih usluga.

Uslovi pružanja dodatnih usluga predstavljaju Opšte uslove pružanja dodatnih usluga koje su određene Ugovorom i predstavljaju dio ovih Opštih uslova operativnog leasinga ukoliko je Korisnik leasinga odredbama Ugovora ugovorio i pružanje dodatnih usluga. U slučaju da Korisnik leasinga uz korištenje vozila shodno Ugovoru ne koristi dodatne usluge primjena II Dijela ovih Opštih Uslova - Uslova pružanja dodatnih usluga je isključena.



1. ZAKLJUČENJE UGOVORA I TROŠKOVI ZAKLJUČENJA UGOVORA

1.1 Osnov za zaključenje Ugovora predstavlja Zahtjev za zaključenje Ugovora. Nakon obavještenja Davaoca leasinga Korisniku leasinga o odobrenju finansiranja, Ugovor se potpisuje, čime Korisnik leasinga preuzima prava i obaveze koje proizilaze iz Ugovora. Primjena ovog Ugovora počinje na dan preuzimanja Predmeta leasinga od strane Korisnika leasinga.

1.2 Davalac leasinga će Korisniku leasinga, pri zaključenju Ugovora, obračunati jednokratni trošak zaključenja Ugovora, uvećan za porez na dodanu vrijednost, za pripremu i zaključenje Ugovora, koji je Korisnik leasinga dužan platiti u skladu sa Pozivom za prvo plaćanje.

1.3 Korisnik leasinga se obavezuje da od Davaoca leasinga, po njegovom pozivu, bez odlaganja preuzme Predmet leasinga na dogovorenom mjestu i u dogovoreno vrijeme. Korisnik leasinga snosi sve troškove prevoza Predmeta leasinga i osiguranja prevoza koji nastanu nakon što Korisnik leasinga primi poziv za preuzimanje Predmeta leasinga.

1.4 Ukoliko nakon prijema poziva za preuzimanje Predmeta leasinga Korisnik leasinga to odbije, Ugovor se raskida, a Davalac leasinga ima pravo zadržati ugovorenu akontacijsku naknadu, ugovorene troškove obrade zahtjeva za zaključenje Ugovora, i obračunati naknadu u iznosu od 18% od zbira svih preostalih neto leasing naknada uvećano za pripadajući PDV.

1.5 Ukoliko Korisnik leasinga poslije preuzimanja Predmeta leasinga raskine Ugovor, dužan je o tome obavijestiti Davaoca leasinga pisanim putem, te u roku od osam (8) dana od dana raskida Ugovora izvršiti povrat Predmeta leasinga Davaocu leasinga, o vlastitom trošku. U tom slučaju, Korisnik leasinga dužan je odmah, a najkasnije u roku od osam (8) dana od dana raskida Ugovora isplatiti Davaocu leasinga naknadu u vrijednosti od 18% od zbira svih preostalih neto leasing naknada uvećano za pripadajući PDV.

1.6 Ukoliko Korisnik leasinga ne ispuní svoju obavezu iz prethodnog stava ovog člana, svaka dostava obavijesti i drugih pismena Korisniku leasinga na adresu navedenu u Ugovoru smatrat će se važećom, bez obzira da li je Korisnik leasinga primio pošiljku ili ne, a danom prijema preporučene pošiljke smatrat će se dan slanja iste od strane Davaoca leasinga.

1.7 Pisana komunikacija između Davaoca leasinga i Korisnika leasinga vrši se prema adresi, poštanskoj i/ili elektronskoj, o kojoj je Korisnik leasinga obavijestio Davaoca leasinga. Jednostrana obavještenja Davalac leasinga može slati i upotrebom elektronskih servisa, mobilnih aplikacija odnosno slanjem tekstualne poruke na broj telefona Korisnika leasinga registrovan kod Davaoca leasinga u skladu sa relevantnim propisima.

2. AKONTACIJSKA NAKNADA / PLAĆANJE PRIJE ISPORUKE

2.1 Akontacijska naknada, ukoliko je ugovorena i iskazana odredbama Ugovora, je iznos koji Korisnik leasinga unaprijed plaća Davaocu leasinga prilikom zaključenja Ugovora, a za koji se umanjuje iznos ukupne leasing naknade. Akontacijska naknada se ne vraća Korisniku leasinga u slučaju raskida Ugovora.

2.2 Prije preuzimanja Predmeta leasinga, Korisnik leasinga je dužan na transakcijski račun Davaoca leasinga (račun br: 161 00001381300 48 kod Raiffeisen Bank d.d. Bosna i Hercegovina), izvršiti uplatu po Pozivu za prvo plaćanje, koja se sastoji od: akontacijske naknade, prve mjesečne leasing naknade ukoliko je ugovorena, troškova zaključenja Ugovora, ostalih troškova povezanih sa zaključenjem Ugovora i pripadajućih poreza. Odredbama Ugovora, Ugovorne strane mogu isključiti plaćanje nekog od navedenih elemenata prvog plaćanja.

2.3 Korisnik leasinga ovim putem izričito potvrđuje da je Predmet leasinga, kao i Dobavljača sam izabrao, te da je sam ugovorio uslove isporuke i cijene Predmeta leasinga. Ako Davalac leasinga prije isporuke plati Predmet leasinga u potpunosti ili djelimično, u skladu sa uslovima Dobavljača, Korisnik leasinga u potpunosti preuzima rizik isporuke Predmeta leasinga.

2.4 Dobavljač odgovara Korisniku leasinga za isporuku Predmeta leasinga.

2.5 Ukoliko akontacijska naknada nije ugovorena isključena je primjena članova 2.1 i 2.2. Opštih uslova, osim dijela člana 2.2 koji se odnosi na prvo plaćanje koje u tom slučaju obuhvata ostale ugovorene naknade izuzev akontacijske naknade.

3. LEASING NAKNADA - VISINA I NAČIN PLAĆANJA, PRILAGOĐAVANJE LEASING NAKNADE

3.1 Leasing naknada obračunata je u valuti EUR, te iskazana u protuvrijednosti domaće valute konvertibilnim markama (KM), prema srednjem kursu Centralne banke Bosne i Hercegovine na dan plaćanja.

3.2 Korisnik leasinga je dužan za sve vrijeme trajanja Ugovora plaćati Davaocu leasinga ugovorene leasing naknade za korištenje Predmeta leasinga. Davalac leasinga će Korisniku leasinga za svaku mjesečnu leasing naknadu ispostaviti račun sa opštim rokom plaćanja koji je iskazan ispostavljenim računom. Ukoliko Korisnik leasinga ima više zaključenih pojedinačnih ugovora, Davalac leasinga može izdavati jednu fakturu za mjesečne naknade po svim ugovorima, ukoliko Ugovorne strane o tome postignu saglasnost zaključenjem Generalnog sporazuma.

3.3 Ukoliko Ugovorne strane postignu saglasnost o odloženom plaćanju usluga, Ugovorom će biti označeno ugovoreno posebno dospijeće plaćanja računajući od datuma opšteg roka plaćanja u kojem je Korisnik leasinga obavezan da izvrši plaćanje.

3.4 Davalac leasinga će prilikom knjigovodstvene obrade uplata zatvarati najstarije obaveze Korisnika leasinga prema sljedećem redosljedu: (I) troškovi i porezi plaćeni u ime Korisnika leasinga, (II) zakonske zatezne kamate, (III) administrativni troškovi Davaoca leasinga, te (IV) mjesečna leasing naknada.

3.5 Mjesečna leasing naknada za Predmet leasinga, odnosno, ukupna leasing naknada zavisi od vrijednosti vozila, visine akontacijske naknade, troškova zaključenja Ugovora, troškova provjere Korisnika i Predmeta leasinga, dužine trajanja Ugovora, ugovorene kilometraže, predvidivog ostatka vrijednosti vozila po isteku ugovora, ugovorenih dodatnih usluga, marže i tromjesečnog EURIBOR-a ukoliko se isti posebno ugovori.



3.6 Ukoliko je Ugovor zaključen sa primjenom EURIBOR-a, Korisnik leasinga uz Ugovor o operativnom leasingu dobija Otplatni plan sa svim elementima izračuna leasing naknade i posebno iskazanim tromjesečnim EURIBOR-om koji je utvrđen je na zadnji dan prethodnog kvartala prema posljednjoj objavljenoj informaciji od strane Evropske centralne banke ili TomsonReuters OTC u odnosu na datum zaključenja Ugovora.

3.7 Prilagodavanje mjesečne leasing naknade za predmet leasinga, odnosno, ukupne leasing naknada će se vršiti po završetku svakog kvartala u slučaju promjene tromjesečnog EURIBOR-a, ako je povećanje ili smanjenje istog veće od +/- 0,25 procentnih poena u odnosu na inicijalno korišteni ili sa promjenama usklađeni EURIBOR. Prilikom svake promjene EURIBOR-a koja ispunjava navedene uslove, Davalac leasinga će izvršiti usklađivanje leasing naknade o čemu će Korisnika leasinga obavijestiti pismenim ili elektronskim putem prije dospijea tako usklađene mjesečne leasing naknade. Svaki novi - usklađeni Otplatni plan će biti dostavljen Korisniku leasinga i bit će obavezujući i sastavni je dio Ugovora o operativnom leasingu.

3.8 Korisnik leasinga potpisom na Ugovoru o leasingu potvrđuje da je upoznat sa svim uslovima iz Ugovora kao i Opštim uslovima, te da mu je poznato i da prihvata da u toku trajanja Ugovora može doći do promjene mjesečne leasing naknade uslijed promjene EURIBOR-a. Ovakvo usklađivanje neće se smatrati izmjenom ili dopunom Ugovora te za isto neće biti potrebna saglasnost Korisnika leasinga.

3.9 Ukoliko od trenutka zaključenja Ugovora do trenutka isporuke Predmeta leasinga bude izmijenjena nabavna vrijednost ili dodatni troškovi uslijed bilo kojeg razloga, ili budu izmijenjeni iznosi carine, poreza, premija osiguranja i ostalih davanja, odnosno uvedeni novi troškovi od strane državnih organa na koje izmjene Ugovorne strane nemaju uticaja, Davalac leasinga ima pravo prilagoditi leasing naknadu u skladu sa navedenim promjenama.

3.10 Ako Davalac leasinga plati u ime i za račun Korisnika leasinga ostale troškove (troškove osiguranja koje je bio obavezan da plati Korisnik leasinga, prekršajnih naknada / kazni ili nekih drugih kazni i sl.) u toku trajanja Ugovora, isti će biti fakturisani Korisniku leasinga od strane Davaoca leasinga, u visini stvarnih troškova, a u skladu sa Pravilnikom o naknadama Davaoca leasinga. Troškovi nastali za Davaoca leasinga u svrhu naplate dospjelih potraživanja, kao što su troškovi advokata, suda i sl. bit će zaračunati Korisniku leasinga u visini stvarnih troškova.

3.11 Ukoliko tokom trajanja Ugovora od momenta preuzimanja Predmeta leasinga dođe do određenih promjena odlukama državnih organa, a na koje Davalac leasinga nije mogao uticati, kao što su npr. promjene visine poreza, administrativnih naknada, taks i slično, Davalac leasinga ima pravo na odgovarajući način prilagoditi iznos leasing naknade i naknade dodatnih usluga koje su ugovorene (AO polica, kasko polica, servisi i sl.). Ovakvo usklađivanje neće se smatrati izmjenom ili dopunom Ugovora, te za isto neće biti potrebna saglasnost Korisnika leasinga.

3.12 Ukoliko je Predmet leasinga motorno vozilo, a Ugovorom je predviđena određena kilometraža u korištenju Predmeta leasinga i ukoliko korištenjem Predmeta leasinga tako ugovorena kilometraža bude prekoračena, Korisnik leasinga je dužan platiti dodatnu naknadu (naknada za više pređenu kilometražu po osnovu uvećane amortizacije i naknadu za više pređenu kilometražu po osnovu uvećanog korištenja dodatnih usluga, ukoliko su ugovorene) Davaocu leasinga koja je utvrđena Ugovorom o operativnom leasingu. Ako Korisnik leasinga tokom trajanja Ugovora primjeti da obim korištenja vozila odstupa od Ugovorom utvrđene godišnje kilometraže, može zahtijevati od Davaoca leasinga da sačini novu kalkulaciju sa novom kilometražom i izvrši odgovarajuće usklađivanje leasing naknade, povodom čega će Ugovorne strane sačiniti poseban aneks Ugovora. Ukoliko Korisnik leasinga propusti pravo da zahtijeva usklađivanje leasing naknade u toku trajanja Ugovora, dužan je platiti dodatnu naknadu za više pređenu kilometražu po isteku Ugovora. Plaćanje naknade za prekoračenu kilometražu odnosi se isključivo na korištenje vozila i ne daje pravo Korisniku leasinga na pružanje dodatnih usluga preko ugovorene kilometraže.

3.13 Davalac leasinga će blagovremeno pisanim putem obavijestiti Korisnika leasinga o svakoj promjeni mjesečne leasing naknade.

3.14 Sve uplate će se smatrati blagovremenim uplatama ukoliko su proknjižene na transakcijski račun Davaoca leasinga prije, kao i na dan dospijea određen na osnovu ispostavljenih računa. Prijevremeno uplaćeni iznosi za mjesečne leasing naknade se ne vraćaju, na njih se ne obračunava kamata, niti revaloriziraju, već se rasknjižavaju pri dospijeu sljedeće mjesečne leasing naknade.

3.15 Ukoliko Korisnik leasinga kasni sa plaćanjem dospjelih obaveza iz Ugovora, po bilo kojem osnovu, dužan je platiti zakonsku zateznu kamatu za svaki dan kašnjenja, po stopi od 10% godišnje u skladu sa Zakonom o visini stope zatezne kamate FBiH, odnosno 10,95% godišnje u skladu sa Zakonom o visini stope zatezne kamate RS, kao i trošak svake opomene na plaćanje u iznosu određenom ovim Opštim uslovima, te sve troškove nastale zbog namirenja ili osiguranja potraživanja iz Ugovora, kao i sve sudske i van sudske troškove.

3.16 Korisnik leasinga, koji kasni sa plaćanjem dospjelih obaveza iz Ugovora, će pored zatezne kamate iz prethodnog stava nadoknaditi Davaocu leasinga i trošak svake opomene poslane poštom u iznosu od 1,00 KM (slovima: jedan i 00/100 KM) za prvu opomenu, 2,00 KM (slovima: dvije i 00/100 KM) za drugu opomenu i 3,00 KM (slovima: tri i 00/100 KM) za treću opomenu, uvećano za porez na dodanu vrijednost prema zakonskim propisima, kao i sve troškove nastale zbog namirenja ili osiguranja potraživanja iz Ugovora, kao i sve sudske i van sudske (advokatske i sl.) troškove, troškove ovlaštenih lica od strane Davaoca leasinga, troškove traženja adrese i sl., u visini stvarnih troškova, a u skladu sa Pravilnikom o naknadama Davaoca leasinga.

3.17 Korisnik leasinga nema pravo kompenzirati svoja moguća potraživanja prema Davaocu leasinga sa potraživanjima iz Ugovora, bez izričite pisane saglasnosti Davaoca leasinga.



3.18 Ugovorene leasing naknade ni u kojem slučaju ne uključuju finansiranje popravke i održavanje dodatne opreme naknadno ugrađene u vozilo, popravke i kvarove koji su nastali uslijed nestručnog upravljanja i održavanja od strane Korisnika leasinga, kao i sve ostale troškove koji nisu ranije predviđeni i uračunati u mjesečnu leasing naknadu, popravke, kvarove, zamjenu dijelova koji su izvršeni u neovlaštenom servisu ili su posljedica neuobičajenog korištenja Predmeta leasinga, zamjenu dijelova koji nisu originalni i u skladu sa preporukom ovlaštenog dobavljača i proizvođača, popravku unutrašnjih presvlaka i tapaciranih dijelova, popravku multifunkcionalnog radio uređaja, navigacijskog sistema, popravke oštećenih lakiranih i zahrđalih površina, svih drugih nepredviđenih troškova, poreza, taksi, kazni, te svih direktnih ili indirektnih davanja i tereta, te ostalih davanja čiji iznos i vrstu stranke nisu mogle odrediti i predvidjeti u vrijeme zaključenja Ugovora, a koji su nastali u vezi sa Ugovorom i njegovim ispunjenjem. Naprijed navedeni troškovi mogu biti uključeni u Naknadu dodatnih usluga ukoliko su iste ugovorene, a sve u skladu sa odredbama Ugovora koji uređuju način pružanja i obim dodatnih usluga

3.19 Davalac leasinga je obavezan bez naknade jednom godišnje, na zahtjev Korisnika leasinga, izdati pregled njegovih obaveza i izvršenih plaćanja.

4. ISPORUKA / PREUZIMANJE I KARAKTERISTIKE PREDMETA LEASINGA I ODGOVORNOST ZA PRAVNE I MATERIJALNE NEDOSTATKE

4.1 Korisnik leasinga je sam odabrao Predmet leasinga te se neposredno kod Dobavljača upoznao sa uslovima isporuke i cijene Predmeta leasinga.

4.2 Davalac leasinga preuzima obavezu finansiranja nabavke Predmeta leasinga od Dobavljača, ali ne odgovara za rokove i uslove isporuke, kao ni za svojstva Predmeta leasinga ili ispunjenje obaveznih uslova u pogledu kvaliteta i drugih uslova Predmeta leasinga po posebnim propisima čija je primjena obavezna u Bosni i Hercegovini, kao ni posebnim propisima kojima se uređuje kvalitet određenih proizvoda.

4.3 Dobavljač će na svoj rizik i o svom trošku preduzeti sve potrebne radnje i mjere za prevoz, osiguranje i stavljanje u pogon Predmeta leasinga, osim ukoliko se na preduzimanje ovih mjera nije obavezao Davalac leasinga ugovaranjem pružanja dodatnih usluga. Dobavljač vrši isporuku Predmeta leasinga neposredno Korisniku leasinga na dogovorenom mjestu i u dogovoreno vrijeme.

4.4 Za sve materijalne nedostatke na Predmetu leasinga odgovara isključivo Dobavljač, odnosno proizvođač, te je shodno tome Korisnik leasinga dužan sve zahtjeve koji se odnose na ispravno funkcionisanje Predmeta leasinga uputiti direktno Dobavljaču, odnosno proizvođaču Predmeta leasinga. Davalac leasinga ustupa Korisniku leasinga svoje zahtjeve iz garantnog lista prema Dobavljaču, odnosno proizvođaču Predmeta leasinga, ali se ni u kojem slučaju Davalac leasinga ne odriče svojih prava iz garancije Predmeta leasinga.

4.5 Mogući nedostaci Predmeta leasinga, odnosno ograničenje u mogućnosti korištenja Predmeta leasinga ili razdoblje mirovanja Predmeta leasinga neće imati uticaja na obaveze Korisnika leasinga iz Ugovora, te ne mogu biti osnov za bilo kakav zahtjev Korisnika leasinga prema Davaocu leasinga.

4.6 Davalac leasinga ne odgovara za ispunjenje obaveznih uslova u pogledu kvaliteta i drugih uslova Predmeta leasinga po posebnim propisima čija je primjena obavezna u Bosni i Hercegovini, kao ni posebnim propisima kojima se uređuje kvalitet određenih proizvoda.

4.7 Davalac leasinga ne ustupa Korisniku leasinga svoje pravo iz garantnog lista na povrat uplaćene cijene.

4.8 Prilikom preuzimanja Predmeta leasinga sačinjava se Zapisnik o preuzimanju u tri (3) primjerka koji potpisuju i ovjeravaju pored Davaoca leasinga i predstavnici Dobavljača i Korisnika leasinga, od kojih po jedan primjerak Zapisnika zadržavaju Korisnik leasinga, Dobavljač i Davalac leasinga. Potpisivanjem Zapisnika o preuzimanju Predmeta leasinga, Korisnik leasinga potvrđuje da je Predmet leasinga preuzeo u svoj posjed u ispravnom stanju.

4.9 Korisnik leasinga je obavezan da bez odlaganja obavijesti Davaoca leasinga o bilo kakvom sporu ili zahtjevu koji je povodom Predmeta leasinga pokrenulo bilo koje treće lice koje tvrdi da polaže pravo na Predmet leasinga.



5. VLASNIŠTVO PREDMETA LEASINGA I KORIŠTENJE PREDMETA LEASINGA

5.1 Za sve vrijeme trajanja Ugovora, kao i nakon njegovog prestanka, isključivi vlasnik Predmeta leasinga je Davalac leasinga, a Korisnik leasinga na osnovu Ugovora ne može steći pravo vlasništva nad istim. Korisnik leasinga ima pravo posjedovanja i korištenja Predmeta leasinga, pod uslovom da uredno izmiruje svoje obaveze iz Ugovora prema Davaocu leasinga.

5.2 Korisnik leasinga nema pravo prisvajanja ili drugo slično pravo na Predmetu leasinga, bez obzira iz kojeg odnosa i po kojem osnovu potiče eventualno potraživanje Korisnika leasinga prema Davaocu leasinga.

5.3 Korisnik leasinga ne može Predmet leasinga otuđiti, opteretiti niti dati u zakup, odnosno najam. Korisniku leasinga se izričito zabranjuje da pravnim poslom ili po bilo kojem drugom osnovu otuđuje Predmet leasinga, daje Predmet leasinga na korištenje trećim licima koja nisu navedena u listi korisnika iz Ovlaštenja za korištenje vozila, koja nisu osposobljena za njegovo korištenje i koja nemaju prethodnu pisanu saglasnost Davaoca leasinga. Korisniku leasinga se također zabranjuje da uspostavlja založna prava na Predmetu leasinga, ili da na bilo koji drugi način ugrožava ili krši pravo vlasništva Davaoca leasinga nad Predmetom leasinga.

5.4 Potpisom ovih Opštih uslova, Korisnik leasinga garantuje da Predmet leasinga neće koristiti za obavljanje rent-a-car djelatnosti, auto-škole ili bilo koje druge neuobičajene poslovne djelatnosti, osim ako takva djelatnost nije izričito navedena u Ugovoru ili posebnom sporazumu/ovlaštenju, zaključenog, odnosno datog, u pisanoj formi, da u vezi sa Predmetom leasinga neće zaključivati ugovor o poslovnoj saradnji, franšizingu ili neki drugi sličan ugovor na osnovu koga će u bilo kojem obliku treće lice steći pravo ili mogućnost da neposredno koristi Predmet leasinga, bez obzira na to da li je trećem licu takvo pravo prenijeto faktički ili samim Ugovorom, da neće na Predmetu leasinga uspostavljati založna prava ili na bilo koji drugi način ugrožavati ili umanjivati pravo svojine i posredne državine Davaoca leasinga nad Predmetom leasinga.

5.5 Neovisno o tome da li je Dobavljač isporučio Predmet leasinga Davaocu leasinga, ili direktno Korisniku leasinga, pravo vlasništva nad Predmetom leasinga stiče Davalac leasinga.

5.6 Korisnik leasinga je dužan odmah obavijestiti Davaoca leasinga o sudskom ili nekom drugom postupku, odnosno mjeri trećeg lica nad Predmetom leasinga ili nad njegovim dijelovima, kao što je zapljena, oduzimanje i slično. Korisnik leasinga je obavezan da preduzme sve potrebne mjere i radnje da zaštiti pravo vlasništva Davaoca leasinga.

5.7 Korisnik leasinga dužan je na Predmet leasinga dosljedno primjenjivati posebne zakonske propise i poslovne običaje koji se za operativni leasing primjenjuju u knjigovodstvu i poreznom pravu.

5.8 Korisnik leasinga dužan je pribaviti prethodnu pisanu saglasnost Davaoca leasinga za bilo kakve modifikacije ili izmjene Predmeta leasinga ili njegovo povezivanje sa nepokretnim ili pokretnim predmetima.

5.9 Korisnik leasinga se obavezuje da u slučaju pokretanja postupka stečaja ili likvidacije nad njim, o tome bez odlaganja obavijesti Davaoca leasinga, koji u tom slučaju ima pravo odmah raskinuti Ugovor i zahtijevati povrat Predmeta leasinga, bez ikakve odgovornosti Davaoca leasinga za raskid Ugovora i povrat Predmeta leasinga. U takvom slučaju, Korisnik leasinga dužan je da stečajnog ili likvidacionog upravnika obavijesti o vlasništvu Davaoca leasinga nad Predmetom leasinga.

6. REGISTRACIJA PREDMETA LEASINGA I PRODUŽENJE REGISTRACIJE

6.1 Korisnik leasinga prema mjestu svog prebivališta, odnosno sjedišta, podnosi zahtjev za registraciju ili produženje registracije Predmeta leasinga nadležnom policijskom organu, koji Korisniku leasinga izdaje saobraćajnu dozvolu, a Davaocu leasinga potvrdu o vlasništvu. Shodno tome, Davalac leasinga će Korisniku leasinga izdati ovlaštenje za registraciju i ovlaštenje za korištenje Predmeta leasinga.

6.2 Troškove registracije, tehničkog pregleda, osiguranja i druge povezane troškove snosit će isključivo Korisnik leasinga, osim kada je Ugovorom ugovorena dodatna usluga registracije vozila u kom slučaju troškove registracije (registracije, tehničkog pregleda, osiguranja i druge povezane troškove) snosi Davalac leasinga, dok će Korisnik leasinga navedene troškove nadoknaditi plaćanjem naknade dodatne usluge registracije koja je iskazana ugovorom.

6.3 Ukoliko je Ugovorom između strana ugovorena dodatna usluga koja se odnosi na registraciju vozila, na pitanja registracije će se prioriteto primjenjivati odredbe Uslova pružanja dodatnih usluga, te zatim odredbe ovih Opštih uslova koje nisu u suprotnosti sa Uslovima pružanja dodatnih usluga.

6.4 Korisnik leasinga se obavezuje da najkasnije osam (8) dana prije isteka roka važenja potvrde o registraciji Predmeta leasinga, preuzme od Davaoca leasinga ovlaštenje za produženje godišnje saobraćajne registracije i preduzme ostale potrebne radnje. Sve troškove vezane za produženje saobraćajne registracije Predmeta leasinga, za vrijeme trajanja Ugovora, snosit će Korisnik leasinga, osim kada je Ugovorom ugovorena dodatna usluga registracije vozila u kom slučaju troškove produženja registracije snosi Davalac leasinga, dok će Korisnik leasinga navedene troškove nadoknaditi plaćanjem naknade registracije koja je iskazana Ugovorom.

6.5 U slučaju da Korisnik leasinga ne izmiruje svoje obaveze u skladu sa Ugovorom, Davalac leasinga zadržava pravo da kao vlasnik Predmeta leasinga uskrati Korisniku leasinga saglasnost za produženje saobraćajne registracije Predmeta leasinga, a Korisnik leasinga je u tom slučaju dužan vratiti Predmet leasinga u posjed Davaoca leasinga.



7. ODRŽAVANJE I ODGOVORNOST ZA PREDMET LEASINGA

7.1 Korisnik leasinga dužan je, za sve vrijeme trajanja Ugovora, Predmet leasinga držati u dobrom i ispravnom stanju, koje omogućava njegovu redovnu upotrebu, te postupati s Predmetom leasinga u skladu sa njegovom namjenom i tehničkim svojstvima, sa dužnom pažnjom, stalno vodeći računa o tome da Predmet leasinga bude u stanju u kakvom mu je predat od strane Davaoca leasinga, imajući pri tome u vidu trošenje Predmeta leasinga primjereno njegovoj pravilnoj upotrebi i starosti.

7.2 Korisnik leasinga je dužan pridržavati se uputstava proizvođača o servisiranju, održavanju i upotrebi Predmeta leasinga. Održavanje i popravka Predmeta leasinga mogu biti obavljene isključivo u servisima Davaoca leasinga ili kod ovlaštenih serviseri koji su potvrđeni u garantnom listu. U održavanju Predmeta leasinga, Korisnik leasinga se obavezuje da koristi isključivo originalne rezervne dijelove.

7.3 Održavanje vozila iz prethodnog stava obavlja Korisnik leasinga o svom trošku, osim ukoliko je Ugovorom ugovoreno pružanje dodatne usluge održavanja vozila, u kojem slučaju održavanje u ugovorenom obimu obavlja Davaoca leasinga, te snosi troškove takvog održavanja, koje je Korisnik leasinga dužan nadoknaditi plaćanjem ugovorene naknade za održavanje vozila.

7.4 Ukoliko je Ugovorom između Ugovornih strana ugovorena dodatna usluga koja se odnosi na održavanje vozila, na pitanja održavanja će se prioritarno primjenjivati odredbe Uslova pružanja dodatnih usluga, te zatim odredbe ovih Opštih uslova koje nisu u suprotnosti sa Uslovima pružanja dodatnih usluga.

7.5 Ako je za Predmet leasinga propisan tehnički pregled, atestiranje ili ispitivanje njegovog kvaliteta, onda je Korisnik leasinga dužan takav pregled obavljati redovno i pravovremeno, o svom trošku.

7.6 Bilo kakve modifikacije ili izmjene Predmeta leasinga ili njegovo povezivanje sa nepokretnim ili pokretnim predmetima bit će dozvoljeno samo uz prethodnu pisanu saglasnost Davaoca leasinga. Bilo kakva izmjena, modifikacija i/ili dodatna instalacija u vezi sa Predmetom leasinga bez pisane saglasnosti Davaoca leasinga, postat će vlasništvo Davaoca leasinga bez bilo kakve naknade. U slučaju da u toku trajanja Ugovora o leasingu zakonski bude potrebno da se modificira Predmet leasinga, Korisnik leasinga će to obaviti o svom trošku bez prava na bilo kakvu naknadu od Davaoca leasinga.

7.7 Ukoliko Korisnik leasinga sam ugrađuje dodatne brave, alarmne uređaje i sličnu opremu za zaštitu Predmeta leasinga, dužan je da za to pribavi pisanu saglasnost Davaoca leasinga i da mu preda odgovarajuća sredstva za otključavanje, odnosno deblokadu takvih dodatnih brava, alarmnih uređaja i slične opreme.

7.8 Korisnik leasinga preuzima na sebe sve rizike vezane za posjed, držanje i pogon, odnosno korištenje Predmeta leasinga. Korisnik leasinga se također obavezuje da će osloboditi Davaoca leasinga svih zahtjeva koje bi treće osobe prema njemu postavile, a koji se temelje ili proizilaze iz posjeda, držanja i korištenja Predmeta leasinga, uključujući i zahtjeve za naknadu štete nanesene trećim osobama, bez obzira da li je ona nastala ličnom krivicom, krivicom trećih osoba, zloupotrebom, slučajem ili višom silom, te zahtjeva po osnovu zaštite autorskih prava, prava na patent, model, uzorak ili žig i svaku drugu sličnu zaštićenu tvorevinu, odnosno pravo. U slučaju da za Davaoca leasinga nastane obaveza koja se temelji ili proizilazi iz posjeda nad Predmetom leasinga, Korisnik leasinga se obavezuje da će ovu obavezu izmiriti o svom trošku.

7.9 Davaoca leasinga kao vlasnik Predmeta leasinga, ili drugo od njega ovlašteno lice, ima pravo tokom trajanja Ugovora uvijek i bez prethodne najave pregledati Predmet leasinga, ispitati njegova svojstva i provjeriti da li se Predmet leasinga koristi u skladu sa njegovom namjenom i dužnom pažnjom. U slučaju da Korisnik leasinga onemogućiti Davaocu leasinga pregled Predmeta leasinga u roku od petnaest (15) dana od dana kada je Davaoca leasinga to zahtijevao pisanim putem od Korisnika leasinga, Davaoca leasinga ima pravo raskinuti Ugovor i zahtijevati povrat Predmeta leasinga.

7.10 Davaoca leasinga će jednom godišnje pismenim ili elektronskim (mail korespondencija) putem zatražiti od Korisnika leasinga informaciju o pređenoj kilometraži i stanju vozila, a u cilju provođenja godišnjeg popisa vozila. U slučaju da Korisnik leasinga ne dostavi tražene informacije pismenim ili elektronskim (mail korespondencija) putem u roku od petnaest (15) dana od dana kada je Davaoca leasinga to zahtijevao od Korisnika leasinga, Davaoca leasinga ima pravo raskinuti Ugovor i zahtijevati povrat Predmeta leasinga.

7.11 Korisnik leasinga se obavezuje da će dokumentaciju vezanu za korištenje Predmeta leasinga (saobraćajnu dozvolu, police osiguranja, rezervni ključ i slično) držati isključivo kod sebe, a ne u Predmetu leasinga.

7.12 Korisnik leasinga dužan je da u slučaju gubitka ključa, saobraćajne dozvole, kôd kartice ili master ključa Predmeta leasinga, kao i u slučaju pljenidbe ili oštećenja Predmeta leasinga, o tome obavijesti Davaoca leasinga i osiguravajuće društvo pisanim putem, sve u roku od osam (8) dana.

7.13 Predmet leasinga smije koristiti isključivo Korisnik leasinga, te osobe navedene u listi korisnika iz Ovlaštenja za korištenje Predmeta leasinga. Korisnik leasinga je dužan obavijestiti osiguravajuće društvo o listi korisnika iz ovlaštenja za korištenje.

7.14 Korisnik leasinga se obavezuje predati Davaocu leasinga sredstva za deblokadu pogona, alarma i ostalih sigurnosnih uređaja koje naknadno ugradi u Predmet leasinga.

7.15 U slučaju nastanka štetnog događaja (npr. krađe) te nemogućnosti naplate osiguranja zbog neposjedovanja potrebne dokumentacije (npr. saobraćajne dozvole) ili drugog propusta koji se može staviti na teret Korisniku leasinga, Korisnik leasinga dužan je nadoknaditi Davaocu leasinga tako nastalu štetu.

7.16 Za prekršaje koji su u neposrednoj vezi sa korištenjem Predmeta leasinga odgovara isključivo Korisnik leasinga. Korisnik leasinga dužan je Davaocu leasinga nadoknaditi sve stvarne troškove koje pretrpi odlukom državnog organa povodom učinjenog prekršaja.



8. OSIGURANJE PREDMETA LEASINGA

8.1 Za sve vrijeme trajanja Ugovora Korisnik leasinga je dužan, o svom trošku, u ime Davaoca leasinga kao korisnika osiguranja (osiguravatelja), zaključiti ugovor o kasko i obaveznom osiguranju Predmeta leasinga. Korisnik leasinga je dužan, bez odlaganja, dostaviti Davaocu leasinga jedan originalni primjerak police kasko osiguranja nakon zaključenja iste.

8.2 Ukoliko je Ugovorom ugovorena dodatna usluga koja se odnosi na nadoknadu troškova police obaveznog osiguranja od auto-odgovornosti i / ili police kasko osiguranja troškove takvog osiguranja snosi Davaoc leasinga u ugovorenom obimu, dok će Korisnik leasinga navedene troškove nadoknaditi plaćanjem mjesečne naknade ovih troškova koja je iskazana Ugovorom, a sve u skladu sa Uslovima pružanja dodanih usluga.

8.3 Ukoliko je Ugovorom između Ugovornih strana ugovorena dodatna usluga koja se odnosi na osiguranje vozila, na pitanja osiguranja će se prioritetno primjenjivati odredbe Uslova pružanja dodatnih usluga, te zatim odredbe ovih Opštih uslova koje nisu u suprotnosti sa Uslovima pružanja dodatnih usluga.

8.4 Korisnik leasinga ima pravo samostalno odabrati osiguravajuće društvo prema listi osiguravajućih društava prihvatljivih za Davaoca leasinga, te ima pravo promjene istog tokom trajanja Ugovora, ali uz prethodnu pisanu saglasnost Davaoca leasinga, a prema listi osiguravajućih društava prihvatljivih za Davaoca leasinga.

8.5 Zaključena polica osiguranja mora biti vinkulirana u korist Davaoca leasinga, a jedan originalni primjerak važeće police osiguranja mora biti dostavljen Davaocu leasinga.

8.6 U slučaju neizmirivanja obaveza prema osiguravajućem društvu po osnovu kasko osiguranja Davaoc leasinga može Korisniku leasinga poslati obavijest o navedenom kašnjenju o trošku Korisnika leasinga.

9. OSIGURANI SLUČAJ I NAKNADA ŠTETE

9.1 U slučaju štetnog događaja (djelimična šteta ili kvar), Korisnik leasinga se obavezuje da bez odlaganja izvrši prijavu štetnog događaja osiguravajućem društvu, te preduzme sve radnje i mjere u skladu sa uslovima osiguravajućeg društva propisanim za postupak prijave, procjene i likvidacije štete, kao i da odmah dostavi Davaocu leasinga pisanu prijavu štete, odnosno kvara te dopremi Predmet leasinga na popravak isključivo u najbliži ovlašten servis.

9.2 U slučaju krađe ili totalne štete na Predmetu leasinga, Korisnik leasinga se obavezuje da bez odlaganja podnese prijavu krađe ili totalne štete nadležnom policijskom organu, kao i osiguravajućem društvu, te da o tome odmah pisanim putem obavijesti Davaoca leasinga. U tom slučaju dolazi do raskida Ugovora u roku od šezdeset (60) dana od prijema pisanog obavještenja od osiguravajućeg društva da je nastupila krađa ili totalna šteta na Predmetu leasinga, pri čemu je Korisnik leasinga dužan izmiriti sve fakturisane obaveze do dana raskida Ugovora, osim u slučaju krađe ako u tom roku Predmet leasinga bude pronađen i vraćen Davaocu leasinga.

9.3 U slučaju da pretrpljena šteta ne bude nadoknađena u cjelini ili djelimično od strane osiguravajućeg društva, a na osnovu uslova osiguranja i ugovora o osiguranju (police osiguranja) sa kojima je Korisnik leasinga upoznat prije potpisivanja Ugovora o leasingu, Korisnik leasinga se obavezuje da Davaocu leasinga isplati ukupnu štetu i nadoknadi dio neisplaćene štete i sve dodatne troškove (uključujući i učešće u šteti ukoliko je predviđeno policom osiguranja), odnosno o svom trošku vrati Predmet leasinga u prvobitno stanje. Visinu štete će procijeniti stručno lice (ovlašten sudski vještak) koje odredi Davaoc leasinga. Korisnik leasinga se obavezuje da procijenjeni iznos štete i sve troškove procjene visine štete uplati na račun Davaoca leasinga u roku od osam (8) dana od procjene iste. Korisnik leasinga izričito izjavljuje da je saglasan da se u svrhu naknade štete mogu koristiti i sredstva obezbjeđenja plaćanja iz Ugovora.

9.4 Ukoliko se vozilo koristi za obavljanje posebne djelatnosti/namjene (rent-a-car, autoškola, podzakup i sl.) o kojoj Korisnik leasinga nije prilikom zaključenja obavijestio Davaoca leasinga radi ugovaranja kasko police po uslovima predviđenim za ove djelatnosti, Korisnik leasinga je dužan da nadoknadi svu stvarnu štetu koju pretrpi Davaoc leasinga i to posebno štetu iz prethodnog člana.

9.5 U slučaju totalne štete na Predmetu leasinga, Korisnik leasinga dužan je olupinu Predmeta leasinga vratiti u posjed Davaoca leasinga. Prevoz olupine Predmeta leasinga bit će obavljen o trošku Korisnika leasinga, a sredstva ostvarena prodajom olupine Predmeta leasinga prvenstveno služe za namirenje preostalih obaveza Korisnika leasinga prema Davaocu leasinga.

9.6 Ako je do štete došlo uslijed neodgovornog korištenja i neispravnosti na Predmetu leasinga, Davaoc leasinga nije odgovoran Korisniku leasinga ili trećem licu za štetu nastalu korištenjem Predmeta leasinga.

9.7 Korisnik leasinga u potpunosti snosi svaku odgovornost za štetu nanесenu trećim licima, kao i za kršenje propisa iz oblasti sigurnosti saobraćaja, sve u skladu sa važećim propisima.



10. SREDSTVA OBEZBJEĐENJA UGOVORA

10.1 Davalac leasinga će sa Korisnikom leasinga izričitim odredbama Ugovora u skladu sa procjenom boniteta ugovoriti neko od sljedećih sredstava obezbjeđenja:

- Mjenica vrijednosni papir i vjerodostojna isprava koja sadrži obavezu na bezuvjetno plaćanje novčanog iznosa. Davalac leasinga kao mjenični povjerilac može pokrenuti izvršni sudski postupak na osnovu vjerodostojne isprave,
- Sudužništvo, kojim Sudužnik preuzima obavezu da Davaocu leasinga odgovara za cijelu obavezu Korisnika leasinga tako da Davalac leasinga može zahtijevati njeno ispunjenje bilo od glavnog dužnika, tj. Korisnika leasinga, bilo od Sudužnika ili od obojice u isto vrijeme,
- Administrativna zabrana za fizička lica kojom Korisnik leasinga / Sudužnik daju saglasnost da radi naplate potraživanja Davaoca leasinga zaplijeni dio njegove plaće i da se izravno isplati Davaocu leasinga na način utvrđen u toj ispravi,
- Založno pravo na pokretnoj ili nepokretnoj imovini,
- Druge vrste obezbjeđenja prihvatljivije za Davaoca leasinga.

10.2 Davalac leasinga ima pravo u slučaju kašnjenja aktivirati sredstva obezbjeđenja po svom izboru, pri čemu aktiviranje jednog sredstva obezbjeđenja ne isključuje istovremeno aktiviranje ostalih sredstava obezbjeđenja.

10.3 Davalac leasinga ima pravo zatražiti i druga sredstva obezbjeđenja ili zamjenu postojećih sredstava obezbjeđenja u slučaju da dođe do promjene boniteta izdavaoca mjenice, kao i u slučaju da neka od navedenih sredstava obezbjeđenja budu iskorištena ili izgube na svojoj važnosti. U navedenim slučajevima Korisnik leasinga je u obavezi dostaviti zamjenska sredstva obezbjeđenja.

10.4 U slučaju da Davalac leasinga iskoristi sredstvo obezbjeđenja, a Ugovorne strane se nakon toga sporazumiju da Ugovor ipak održe na snazi, Korisnik leasinga je obavezan da najkasnije tri (3) dana od postizanja sporazuma da Ugovor ostane na snazi dostavi Davaocu leasinga adekvatna i ispravna sredstva obezbjeđenja plaćanja kojima se zamjenjuju iskorištena sredstva obezbjeđenja plaćanja. Ukoliko Korisnik leasinga to ne učini u ostavljenom roku smatrat će se da Ugovor nije sporazumno održan na snazi.

- Mjenice

10.5 Kao sredstvo obezbjeđenja urednog izmirenja obaveza i to plaćanja ugovorenih naknada, dugova, kamate, pripadajućih troškova, kao i svih drugih obaveza Korisnika leasinga, nastalih po osnovu i u vezi sa Ugovorom, Korisnik leasinga se obavezuje da dostavi Davaocu leasinga bjanko mjenice (čiji broj je određen Ugovorom) koje će Korisnik leasinga potpisati u svojstvu mjeničnog dužnika i, ako se radi o pravnom licu ili preduzetniku, iste ovjeriti pečatom svoje firme, a kojima garantuje Davaocu leasinga za sve dospjele obaveze iz i po osnovu Ugovora, te će Davaocu leasinga izdati i pečatom ovjeriti odgovarajuća mjenična ovlaštenja (po jedno za svaki Ugovor) kojim ga ovlašćuje da u slučaju neplaćanja bilo kog dospjelog iznosa iz Ugovora ispunji ove mjenice, prezentira ih na naplatu i preduzme sve druge radnje radi naplate potraživanja.

10.6 Potpisom Ugovora, Korisnik leasinga ovlašćuje Davaoca leasinga da u slučaju neplaćanja bilo kog dospjelog iznosa na osnovu i u vezi sa Ugovorom ispunji takvu mjenicu i u nju unese sve potrebne elemente, uključujući i mjenični iznos koji odgovara dospjelom iznosu i da, radi naplate mjenice, preduzme sve radnje predviđene propisima. Ugovorne strane se izričito sporazumijevaju da sa postavljanjem zahtjeva i/ili preduzimanjem mjeničnih radnji od strane Davaoca leasinga ne dolazi do novacije Ugovora, odnosno obaveze Korisnika leasinga iz Ugovora ne zamjenjuju se mjeničnim obavezama. Korisnik leasinga je izričito saglasan da se sva sredstva obezbjeđenja potraživanja Davaoca leasinga iz Ugovora odnose i na potraživanja iz mjenica.

10.7 Ukoliko odredbama Ugovora nije ugovorena dostava mjenice, kao sredstva obezbjeđenja urednog izmirivanja obaveza, isključena je primjena odredbi 10.5 i 10.6 Opštih uslova.

- Sudužnik

10.8 Ukoliko Ugovorne strane Ugovorom to predvide, Korisnik leasinga je dužan da obezbijedi sudužnika. Sudužnik u smislu važećih zakonskih propisa je pravna ili fizička osoba koja je odgovorna za naplatu svih potraživanja Davaoca leasinga jednako kao i Korisnik leasinga.

10.9 Sudužnik odgovara Davaocu leasinga za sve obaveze Korisnika leasinga iz Ugovora i ukoliko Ugovorne strane tako ugovore, u obavezi su da na ime obezbjeđenja plaćanja svih obaveza iz Ugovora i Opštih uslova predaju ugovoreni broj bjanko mjenica, popunjene na zakonom propisan način, kao i odgovarajuća mjenična ovlaštenja u broju izdatih mjenica, u korist Davaoca leasinga, te je Davalac leasinga u skladu sa tim ovlašten da u slučaju dospelosti bilo koje obaveze iz ili po osnovu Ugovora, zahtjeva ispunjenje ili da sprovede izvršenje na cjelokupnoj imovini, kako od Korisnika leasinga tako i od sudužnika.

10.10 Ukoliko odredbama Ugovora nije ugovoreno sudužništvo, kao sredstvo obezbjeđenja urednog izmirivanja obaveza, isključena je primjena odredbi 10.8 i 10.9 Opštih uslova.



11. VRAĆANJE PREDMETA LEASINGA, MJESTO I VRIJEME VRAĆANJA, TROŠKOVI VRAĆANJA PREDMETA LEASINGA

11.1 Korisnik leasinga je dužan tri (3) dana prije isteka registracije, a najkasnije zadnjeg dana trajanja registracije u zadnjoj godini Ugovora, predati Davaocu leasinga u posjed Predmet leasinga u ispravnom stanju, sa stepenom iskorištenosti koji se može očekivati prema normalnim i uobičajenim okolnostima upotrebe, sa kompletnom standardnom opremom, tehničkom dokumentacijom i svim ključevima. Nakon prestanka Ugovora, Korisnik leasinga nije više ovlašten držati, niti koristiti Predmet leasinga, te je ujedno dužan, bez odlaganja, vratiti Davaocu leasinga u neposredni posjed Predmet leasinga i to na mjestu i u vrijeme koje odredi Davaocu leasinga. U suprotnom se Korisnik leasinga obavezuje da nadoknadi svu štetu procijenjenu od strane sudskog vještaka kojeg odredi Davaocu leasinga. Troškove eventualne procjene Predmeta leasinga snosi Korisnik leasinga, a isti će biti utvrđeni konačnim obračunom koji će biti dostavljen Korisniku leasinga.

11.2 Korisnik leasinga je u slučaju raskida Ugovora, dužan u roku od osam (8) dana od dana raskida Ugovora, predati Davaocu leasinga u posjed Predmet leasinga u ispravnom stanju, sa stepenom iskorištenosti koji se može očekivati prema normalnim i uobičajenim okolnostima upotrebe, sa kompletnom standardnom opremom, tehničkom dokumentacijom i svim ključevima. U suprotnom se Korisnik leasinga obavezuje da nadoknadi svu štetu procijenjenu od strane sudskog vještaka kojeg odredi Davaocu leasinga. Troškove eventualne procjene Predmeta leasinga snosi Korisnik leasinga, a isti će biti utvrđeni konačnim obračunom koji će biti dostavljen Korisniku leasinga.

11.3 Korisnik leasinga je dužan da, prije povrata Predmeta leasinga Davaocu leasinga, sva oštećenja i nedostatke čije je otklanjanje pokriveno policom kasko osiguranja ili garancijom, otkloni i Predmet leasinga dovede u ispravno stanje.

11.4 Korisnik leasinga je dužan, prije povrata Predmeta leasinga, skinuti sve oznake i naljepnice koje su postavljene na Predmet leasinga nakon njegovog preuzimanja. Predmet leasinga mora biti vraćen Davaocu leasinga očišćen iznutra i izvana, sa pratećom opremom koja je preuzeta prilikom primopredaje novog Predmeta leasinga.

11.5 Ukoliko Korisnik leasinga ne izvrši povrat Predmeta leasinga u stanju opisanom u članovima 11.1-11.4, dužan je Davaocu leasinga nadoknaditi troškove povrata Predmeta leasinga u ispravno stanje, kao i ugovornu kaznu za neovlašteno zadržavanje Predmeta leasinga u visini jedne mjesečne leasing naknade za svaki mjesec zakašnjenja u primopredaji, sve na osnovu fakture Davaoca leasinga i u roku od osam (8) dana od dana prijema iste.

11.6 Ukoliko Korisnik leasinga ne izvrši povrat Predmeta leasinga na način definisan ovim članom, Davaocu leasinga, ili od njega ovlašteno lice, ima pravo bez ikakvog daljeg preduslova, o trošku Korisnika leasinga, zakonom dozvoljenim radnjama vratiti u svoj neposredni posjed Predmet leasinga, uključujući i pravo na samopomoć. U tom slučaju, Korisnik leasinga ovim putem izričito izjavljuje da je saglasan sa ovakvim načinom povrata posjeda nad Predmetom leasinga od strane Davaoca leasinga, te se neopozivo odriče prava da nadležnim organima podnosi bilo kakav zahtjev protiv Davaoca leasinga, posebno zahtjev za zaštitu zbog ometanja posjeda. Korisnik leasinga je dužan preduzeti sve mjere koje su pravno i stvarno potrebne da bi omogućio Davaocu leasinga da nesmetano uživa svoje pravo vlasništva nad Predmetom leasinga.

11.7 Mjesto i vrijeme povrata Predmeta leasinga određuje Davaocu leasinga. Prilikom povrata Predmeta leasinga bit će sačinjen zapisnik o primopredaji i pregledu vozila, u kojem će biti navedena sva vidljiva oštećenja i nedostaci na Predmetu leasinga, koji će biti potpisan od strane Korisnika leasinga. Istim zapisnikom bit će utvrđen i broj pređenih kilometara u trenutku povrata Predmeta leasinga, na osnovu kojeg će u slučaju prekoračenja ugovorenog broja pređenih kilometara biti sačinjen i obračun naknade u skladu sa odredbama Ugovora. Također će biti izvršena i procjena Predmeta leasinga od strane ovlaštenog sudskog vještaka.

11.8 Ukoliko su na Predmetu leasinga izvršene promjene, Korisnik leasinga dužan je Predmet leasinga vratiti u njegovo prvobitno stanje o vlastitom trošku, osim za zakonom propisane promjene ili promjene za koje je prethodno pribavljena saglasnost Davaoca leasinga. Korisnik leasinga dužan je predati Davaocu leasinga i sredstva za deblokadu pogona, alarma i ostalih uređaja koje je naknadno ugradio u Predmet leasinga. Ukoliko Korisnik leasinga, odmah i na prvi poziv, a nakon predaje Predmeta leasinga u posjed Davaoca leasinga, ne ukloni vlastite stvari i opremu sa ili iz Predmeta leasinga, one postaju vlasništvo Davaoca leasinga, bez prava Korisnika leasinga na ikakvu naknadu.

12. ISPUNJENJE UGOVORNIH OBAVEZA

12.1 Nakon što je Korisnik leasinga ispunio sve svoje obaveze plaćanja po Ugovoru, te vratio Predmet leasinga Davaocu leasinga u ispravnom stanju i u skladu sa Ugovorom i Opštim uslovima smatrat će se da je Korisnik leasinga ispunio sve obaveze prema Davaocu leasinga po Ugovoru. Ukoliko Korisnik leasinga ima ugovorenu valutu plaćanja, obaveze koje nisu dospjele momentom vraćanja vozila može izmirivati u roku koji je iskazan fakturama, ali će se Ugovor smatrati ispunjenim tek po isplati svih obaveza koje naknadno dospjevaju.

12.2 Neiskorištena sredstva obezbjeđenja Korisnik leasinga i Sudužnik može lično preuzeti u centrali Davaoca leasinga u roku od devedeset (90) dana od dana izmirenja obaveza po Ugovoru, a ukoliko to ne učini, neiskorištena sredstva obezbjeđenja će biti poništena.

13. POSEBNE ODREDBE ZA KORISNIKE LEASINGA I ZASTUPNIKE I POVEZANA LICA KOJA SE NAĐU NA LISTAMA SANKCIONISANIH LICA OD STRANE MEĐUNARODNIH ORGANIZACIJA I/ILI ORGANA BOSNE I HERCEGOVINE

13.1 Korisnik leasinga svojim potpisom na ovim Opštim uslovima potvrđuje, prema svom najboljem saznanju da niti privredno društvo koje zastupa, niti povezano društvo ili bilo koji od njegovih odgovornih direktora ili službenika, odnosno predstavnika:

- nije strana koja je predmet bilo kakvih restrikcija u poslovanju (u daljem tekstu „Strana sa ograničenjima“),



- nije angažovan u bilo kojoj transakciji, aktivnosti ili ponašanju za koje se razumno očekuje da će dovesti do toga da bude označena kao Strana sa ograničenjima,
- ne učestvuje u bilo kojoj transakciji, aktivnosti ili ponašanju koje može dovesti do kršenja primjenjivih sankcija koje su predviđene odlukama međunarodnih organizacija ili Bosne i Hercegovine,
- nije primio obavještenje ili je na neki drugi način upoznat sa bilo kojim zahtjevom, aktivnošću, sudskim ili drugim postupkom ili istragom u vezi sa Sankcijama međunarodnih institucija ili/i organe Bosne i Hercegovine,
- ne djeluje u ime ili po nalogu bilo koje Ograničene strane u vezi sa predmetom zakupa koji je obuhvaćen ovim Ugovorom.

13.2 Korisnik leasinga se ovim sporazumno obavezuje Davaocu leasinga da:

- ne doprinosi ili na drugi način stavlja na raspolaganje svoje ukupne prihode ili bilo koji dio tih prihoda koje stiže po osnovu Predmeta leasinga, direktno ili indirektno, ili ih povjerava u korist bilo kojeg pojedinca ili entiteta radi finansiranja aktivnosti ili transfera, drugih transakcija ili ulaganja prema bilo kojoj Strani sa ograničenjima,
- direktno ili indirektno ne finansira, u cjelini ili djelimično, otplatu ili prijevremenu otplatu Predmeta leasinga iz prihoda koji potiču iz bilo koje transakcije ili aktivnosti koja uključuje Stranu sa ograničenjima,
- ne učestvuju u bilo kojoj transakciji, aktivnosti ili ponašanju koje bi predstavljalo kršenje sankcija koje se primjenjuju na njih,
- ne učestvuje u bilo kojoj transakciji, aktivnosti ili ponašanju koje bi dovelo do toga da Davaoc leasinga ili drugi član Porsche grupacije prekrši bilo koju sankciju ili za koju može razumno očekivati da će doprinijeti tom kršenju zbog čega bi se Korisnik leasinga mogao tretirati kao Strana sa ograničenjima.

13.3 Korištenje prihoda

Korisnik leasinga se obavezuje da će obezbijediti da nijedno njegovo povezano lice neće:

- koristiti, pozajmljivati, doprinositi ili na drugi način stavljati na raspolaganje sav ili bilo koji dio prihoda iz bilo koje pozajmice ili druge transakcije predviđene dokumentom o izvršenoj transakciji direktno ili indirektno:
 - za bilo kakvo finansiranje ili omogućavanje bilo koje trgovinske, poslovne ili druge aktivnosti u mjeri u kojoj bi takvo finansiranje ili omogućavanje druge aktivnosti bile zabranjene sankcijama ili bi na drugi način prouzrokovale da bilo koja osoba prekrši sankcije,
 - na bilo koji drugi način za koji se razumno očekuje da će bilo koja osoba, uključujući ali ne ograničavajući se na Korisnika leasinga, prekršiti bilo koju sankciju ili postati sankcionisana strana,
- učestvovati u bilo kojoj transakciji kojom se izbjegava, ili ima za cilj izbjegavanje, ili krši ili pokušava da prekrši, direktno ili indirektno, bilo koje sankcije određene od strane međunarodnih organizacija ili Bosne i Hercegovine,
- finansirati u cijelosti ili djelimično iznose koji su u vezi sa dokumentom o izvršenoj transakciji iz procedure koja proizilazi iz bilo koje akcije koja je u vezi sa kršenjem sankcija.

13.4 Ugovorne strane trebaju uspostaviti i održavati politike i procedure razumno pripremljene radi promocije i postizanja usklađenosti sa propisanim sankcijama međunarodnih organizacija i organa Bosne i Hercegovine sa primjenjivim sankcijama.

Ugovorne strane trebaju imati odgovarajuću kontrolu i procese dizajnirane da spriječe bilo kakve aktivnost koje nisu u skladu sa naprijed navedenim.

14. RASKID UGOVORA

14.1 Davaoc leasinga može u svako doba s trenutnim učinkom jednostrano raskinuti Ugovor dostavljanjem pisanog obavještenja Korisniku leasinga u slučajevima koji su izričito definisani odredbama Ugovora. Ukoliko Davaoc leasinga raskine Ugovor iz razloga koji su predviđeni Ugovorom u skladu sa Zakonom o leasingu ima pravo na povrat predmeta leasinga, kao i pravo na naknadu štete kako je to definisano Ugovorom.

14.2 U slučaju raskida Ugovora, Korisnik leasinga nema pravo na povrat akontacijske naknade. Davaoc leasinga će sačiniti i Korisniku leasinga dostaviti obračun koji će sadržavati sva potraživanja koja proizilaze iz Ugovora i to neplaćene fakturisane leasing naknade, opomene, zatezne kamate, troškove popravke, naknadu za prekoračenje ugovorenog broja pređenih kilometara, kao i naknadu štete u iznosu koji je utvrđen Ugovorom. Obračunati iznos Korisnik leasinga je obavezan platiti Davaocu leasinga u roku od osam (8) dana od dana prijema pisane obavijesti.



II DIO - USLOVI PRUŽANJA DODATNIH USLUGA

15. OPŠTE ODREDBE O USLOVIMA PRUŽANJA DODATNIH USLUGA

15.1 Porsche Leasing d.o.o. Sarajevo, kao Davalac leasinga i pružalac usluga (u daljem tekstu: Davalac leasinga) i Korisnik leasinga ovim utvrđuju uslove pružanja dodatnih usluga po osnovu Ugovora o operativnom leasingu (u daljem tekstu Uslovi), kao i uslove i način pružanja i plaćanja dodatnih usluga.

15.2 Uslovi pružanja dodatnih usluga predstavljaju sastavni dio Ugovora o operativnom leasingu (u daljem tekstu Ugovor), dok se odredbe Uslova primjenjuju isključivo na dodatne usluge koje su ugovorene navedenim Ugovorom. Ukoliko uz Ugovor nisu ugovorene dodatne usluge u potpunosti je isključena primjena Uslova pružanja dodatnih usluga na taj ugovorni odnos.

15.3 Dodatne usluge se ugovaraju u dva modela :

Fiksne dodatne usluge - ovim modelom se Korisnik leasinga obavezuje da ugovorene usluge označene Ugovorom plaća u fiksnim, nepromjenljivim iznosima tokom ugovorenog perioda. Odredbama Ugovora kojima se ugovaraju dodatne fiksne usluge definisana je ukupna godišnja kilometraža, kao i period važenja Ugovora. U slučaju da se u toku realizacije Ugovora predmetom održavanja pređe veća kilometraža od ugovorene, Davalac leasinga će naplatiti naknadu više pređene kilometraže i po osnovu uvećanog korištenja dodatnih usluge (za uslugu održavanja vozila i održavanja guma na vozilu), odnosno može da izvrši rekalkulaciju naknade uz saglasnost Korisnika leasinga, a po prijedlogu koji će dostaviti Davalac leasinga.

Obračunske dodatne usluge - ovim modelom se Korisnik leasinga obavezuje da naknade za ugovorene usluge plaća u iznosima koji su određeni Ugovorom, a ti iznosi se mogu tokom trajanja perioda Ugovora korigovati u skladu sa stvarnim troškovima ugovorenih usluga. Iznosi naknade ugovorenih usluga će se redovno periodično usklađivati u vrijeme i na način predviđen ovim Uslovima, kao i na kraju perioda za koji je ugovoreno pružanje usluga.

OBAVEZE PORSCHE LEASING D.O.O.

16. PRUŽANJE DODATNIH USLUGA

16.1 Davalac leasinga će, na osnovu Ugovora Korisniku leasinga pružiti neke od sljedećih dodatnih usluge:

- **Usluga Održavanja vozila** - podrazumijeva redovno i dodatno održavanje, kao i vanredne popravke na vozilu, u skladu sa uputstvom proizvođača, u obimu koji je utvrđen Ugovorom, a u skladu s ovim Uslovima,
- **Usluga Održavanja guma na vozilu** - podrazumijeva nabavku guma u broju i klasi koji su utvrđeni Ugovorom, skladištenje, montažu, organizaciju sezonskih zamjena guma i relokaciju, a u skladu s ovim Uslovima,
- **Nadoknada troškova Registracije vozila** - podrazumijeva da će Davalac leasinga prilikom registracije vozila i produženja registracije snositi sve troškove povezane sa registracijom (tehnički pregled, administrativne takse, troškove izdavanja tablica i saobraćajne dozvole kod prve registracije), osim troškova obaveznog osiguranja vozila od auto-odgovornosti, koje će Korisnik leasinga nadoknaditi kroz mjesečnu naknadu u skladu s Ugovorom,
- **Nadoknada troškova police osiguranja od auto-odgovornosti** - podrazumijeva da će Davalac leasinga kod osiguravajućeg društva osigurati i snositi troškove police obaveznog osiguranja od auto-odgovornosti, koje će Korisnik leasinga nadoknaditi kroz mjesečnu naknadu u skladu sa Ugovorom,
- **Nadoknada troškova Kasko osiguranja** - podrazumijeva da će Davalac leasinga, u skladu s uslovima osiguravajućeg društva, sa kojima se Korisnik leasinga prethodno u cijelosti upoznao i saglasio, kod osiguravajućeg društva po izboru Korisnika leasinga osigurati i snositi ukupne troškove kasko osiguranja vozila, koje će Korisnik leasinga nadoknaditi kroz mjesečnu naknadu u skladu s Ugovorom,
- **Usluga Zamjenskog vozila** - podrazumijeva mogućnost korištenja zamjenskog vozila u situacijama i obimu koji je utvrđen Ugovorom, a u skladu s ovim Opštim uslovima,
- **Usluga Odvoza i dovoza vozila** - podrazumijeva da vozilo koje je predmet ugovora bude odvezeno po potrebi, radi promjene guma na vozilu, redovnog servisa i redovnog tehničkog pregleda,
- **Usluga Fleet asistencije** - podrazumijeva Call centar 24/7 na usluzi Korisnik leasinga ima radi neophodne savjetodavne pomoći, popravku na licu mjesta, šlep do najbližeg ovlaštenog servisa, dostavu goriva i ključeva vozila, u situacijama i obimu koji je utvrđen Ugovorom, a u skladu s ovim Uslovima,



- **Usluga GPS uređaja** - podrazumijeva ugradnju, instalaciju GPS/GPRS uređaja i njegovo priključenje u sistem, uslugu pružanja tehničke podrške u vezi s praćenjem vozila pomoću GPS/GPRS uređaja i servisiranja GPS/GPRS uređaja i neprekidan pristup praćenju vozila preko kontrolnog centra,
- **Usluga zaštitnog uređaja** - podrazumijeva ugradnju, instalaciju zaštitnog uređaja i njegovo priključenje u sistem, dok se Korisnik leasinga po tom osnovu obavezuje da plaća naknadu predviđenu ugovorom o operativnom leasingu,
- **Naknada za korištenje punjača za električna vozila** - podrazumijeva da će Davaoac leasinga staviti na raspolaganje punjač koji je definisan odredbama Ugovora na korištenje Korisniku leasinga, dok se Korisnik leasinga po tom osnovu obavezuje da plaća naknadu predviđenu Ugovorom. Montiranje i ugradnju punjača na pogodno mjesto vrši Korisnik leasinga o svom trošku,
- **Naknada za izdavanje dokumentacije ili pružanje jednokratnih usluga po zahtjevu Korisnika leasinga** - podrazumijeva da će Davaoac leasinga snositi troškove po zahtjevu Korisnika leasinga za izdavanja potrebne dokumentacije, pranje vozila i drugih jednokratnih usluga, dok se Korisnik leasinga po tom osnovu obavezuje da jednokratno kroz prvu narednu fakturu plati prefakturisane troškove uvećane za primjerenu naknadu ukoliko tako bude dogovoreno između strana po primljenom zahtjevu,
- **Upravljanje uslugama** - podrazumijeva administriranje koje je vezano za vozilo koje je predmet Ugovora, logističku podršku i upravljanje štetnim događajima (savjeti u trenutku nastanka štetnog događaja, likvidacija/naplata štete, izbor servisa za popravku), izvještaj sa pregledom aktivnih vozila koja koriste uslugu održavanja, ugovorenih dodatnih usluga i pregled rata na online portalu, kao i druge izvještaje po izboru Korisnika leasinga.

16.2 Davaoac leasinga će Korisniku leasinga omogućiti usluge isključivo ukoliko su ugovorene. Nivo, obim i način pružanja svake pojedinačne dodatne usluge utvrđuje se Ugovorom u skladu s ovim Uslovima.

16.3 U slučaju da Korisnik leasinga nije ugovorio neke od usluga koje su navedene u ovom članu Opštih uslova isključuje se primjena odredbi Uslova kojim su neugovorene usluge konkretizovane.

16.4 Zaključenjem Ugovora Korisnik leasinga dobija od Davaoca leasinga korisničku karticu koja mu omogućava identifikaciju u ovlaštenim servisima proizvođača vozila koje je predmet Ugovora. Korisnik leasinga je odgovoran za zloupotrebu korištenja korisničke kartice i dužan je da, odmah nakon isteka/prekida Ugovora, korisničku karticu vrati Davaocu leasinga. Gubitak/krađu korisničke kartice Korisnik leasinga je dužan da prijavi odmah po nastupanju takve okolnosti, a najkasnije prvog radnog dana od gubitka/krađe.

17. USLUGA ODRŽAVANJA VOZILA

17.1 Dodatna usluga održavanja vozila podrazumijeva redovne, dodatne i vanredne popravke na vozilu uključujući i zamjenu potrebnih rezervnih dijelova u skladu sa uputstvom proizvođača, a tu uslugu je Davaoac leasinga obavezan da pruži ukoliko je izričito ugovorena, u situacijama i obimu koji je utvrđen Ugovorom, a u skladu s ovim Uslovima. Ukoliko je ugovoreno pružanje usluge održavanja vozila, Davaoac leasinga će predati Korisniku leasinga korisničku karticu putem koje će Korisnik leasinga nakon identifikacije u ime i za račun Davaoca leasinga, u jednom od ovlaštenih servisa marke proizvođača predmeta održavanja, izdati nalog za servisiranje vozila.

17.2 Davaoac leasinga i Korisnik leasinga će ugovoriti jedan od tri nivoa usluge održavanja kako slijedi:

- Redovno održavanje vozila - podrazumijeva redovno servisiranje vozila po planu proizvođača (zamjena ulja i filtera),
- Redovno i dodatno održavanje vozila - podrazumijeva redovno servisiranje vozila po planu proizvođača (zamjena ulja i filtera) i zamjenu potrošnog materijala na vozilu uslijed uobičajenog habanja (zamjena kočionih pločica i diskova, metlica brisača, sijalica, kvačila),
- Redovno, dodatno i vanredno održavanje vozila - podrazumijeva redovno servisiranje predmeta održavanja po planu proizvođača (zamjena ulja i filtera) i zamjenu potrošnog materijala na vozilu uslijed uobičajenog habanja (zamjena kočionih pločica i diskova, metlica brisača, sijalica, kvačila) i vanredne popravke vozila osim ukoliko nisu isključene nekom od odredbi iz člana 17.5 ovih Uslova.

17.3 Ukoliko je ugovoreno da će Davaoac leasinga snositi troškove kasko police, usluga održavanja vozila može da obuhvati i obavezu Davaoca leasinga da snosi troškove zaštite vozila (mehanička i/ili elektronska po zahtjevu osiguravajućeg društva), koje će Korisnik leasinga nadoknaditi u okviru naknade usluge održavanja.

17.4 U okviru usluge održavanja iz ovog člana podrazumijeva se da će Davaoac leasinga vozilo snabdjeti obaveznom opremom u skladu s propisima koji regulišu bezbjednost saobraćaja na putevima.



17.5 Pod uslugom održavanja vozila ne smatraju se:

- popravke i održavanje uz korištenje neoriginalnih dijelova i onih dijelova koji nisu preporučeni od strane proizvođača vozila,
- popravke i eliminisanje oštećenja nastalih uslijed nestručnih popravki i intervencija na vozilu od strane Korisnika leasinga ili neke treće osobe (pod nestručnim popravkama i intervencijama se smatraju sve i bilo koje popravke i intervencije koje nisu izvršene u ovlaštenim servisima proizvođača vozila),
- popravke uslijed oštećenja na vozilu u slučaju kada se ne zna kako je došlo do oštećenja;
- rezervni dijelovi i popravke koji su predmeti šteta pokrivenih policom osiguranja,
- rezervni dijelovi i popravke za koje je osiguravajuće društvo kod koga je vozilo kasko osiguran u skladu s uslovima osiguranja odbiloo isplatiti nastalu štetu,
- nedostaci koje pokriva garancija ili koji spadaju u garanciju,
- svaka naknadna ugradnja unutrašnje plate, radija, sistema navigacije, tapacirunga i sl.,
- troškovi šlep-službe, osim ugovorenih kroz usluge odvoženje i dovoženje i fleet asistencije,
- oštećenja karoserije, laka i oštećenja od hrđe,
- otklanjanje oštećenja i popravke prouzrokovane nemarom vozača.

17.6 Ukoliko postoji sumnja da li ugovorena dodatna usluga održavanja vozila pokriva otklanjanje oštećenja tj. neke druge usluge servisiranja, odluku donosi stručno lice kojeg ovlasti Davalac leasinga. Troškove navedenog lica Korisnik leasinga je dužan da plati, ukoliko se ispostavi da se radi o otklanjanju oštećenja ili usluzi servisa koji nisu obuhvaćeni ovim Uslovima.

17.7 Ukoliko postoji više mogućnosti za korištenje usluga servisa, Davalac leasinga donosi odluku na osnovu ekonomskih razloga.

18. USLUGA ODRŽAVANJA GUMA NA VOZILU

18.1 Dodatna usluga održavanja guma na vozilu podrazumijeva nabavku, skladištenje, montažu, organizaciju i relokaciju sezonskih zamjena guma, a tu uslugu je Davalac leasinga obavezan da pruži ukoliko je izričito ugovorena, u situacijama i obimu koji je utvrđen Ugovorom, a u skladu s ovim Uslovima.

18.2 Davalac leasinga i Korisnik leasinga će ugovoriti jedan od dva modela usluge održavanja guma na vozilu kako slijedi:

- Ograničen broj guma - u Ugovoru podrazumijeva isporuku određenog broja setova zimskih i ljetnih guma standardnog izgleda, pod kojim se podrazumijevaju gume dimenzija koje je proizvođač isporučio na vozilu u prvoj ugradnji. Broj setova guma i klasa guma utvrđuje se sporazumno. Isporuca ugovorenih setova guma vrši se čim propisana profilna dubina šare na prethodnim setovima guma dostigne zakonom utvrđeni minimum. Nakon što iskoristi sve ugovorene setove guma, Korisnik leasinga će sam preuzeti održavanje guma na vozilu do isteka perioda održavanja.
- Neograničen broj guma - podrazumijeva isporuku neodređenog broja setova zimskih i ljetnih guma standardnog izgleda, pod kojim se podrazumijevaju gume dimenzija koje je proizvođač isporučio na vozilu u prvoj ugradnji do isteka perioda održavanja. Broj setova guma i klasa guma koje Korisnik leasinga dobija određuje se u skladu s realnim potrebama za njihovu zamjenu, u odnosu na ugovorenu godišnju kilometražu i najmanju zakonom propisanu profilnu dubinu. Isporuca ugovorenih setova guma vrši se čim propisana profilna dubina šare na prethodnim setovima guma dostigne zakonom utvrđeni minimum.

Ukoliko je ugovorena dodatna usluga održavanja guma na vozilu, Davalac leasinga će pored već navedenog pružiti i :

- sezonsku zamjenu guma (jednom godišnje zamjena zimskih guma za ljetne i ljetnih guma za zimske),
- ugradnju guma i balansiranje na mašini za balansiranje kod zamjene tj. preusmjerenja guma, napravljenih u zavisnosti od uslova,
- korištenje usluge skladištenja (lagerovanja) guma,
- relokaciju guma u drugi objekat prema zahtjevima Korisnika leasinga, a u skladu sa mogućnostima Davaoca leasinga.

18.3 Davalac leasinga će za potrebe isporuke guma i montažu izabrati dobavljača po sopstvenom nahođenju, dok će mjesto skladištenja definisati prema potrebama Korisnik leasinga, a u skladu s kapacitetima Davaoca leasinga.

18.4 Davalac leasinga i Korisnik leasinga saglasno utvrđuju da je, prilikom zaključenja Ugovora kojim je ugovorena dodatna usluga održavanja guma, iznos naknade po osnovu ove usluge kod modela neograničenog broja guma utvrđen u skladu sa godišnjom kilometražom navedenom u Ugovoru, dok je kod modela sa ograničenim brojem guma utvrđen imajući u vidu utvrđen broj potrebnih setova guma.

18.5 Ukoliko je ugovoren model sa neograničenim brojem guma, te ukoliko za vrijeme realizacije Ugovora dođe do promjene ugovorene godišnje kilometraže ili ukoliko predmetom održavanja bude pređena veća kilometraža od ugovorene, Davalac leasinga je ovlašten da, u skladu s odredbom člana 16.3 ovih Uslova, prekine dalje pružanje ove usluge nakon prekoračenja kilometraže, osim ukoliko se Ugovorne strane saglase da izmjene ugovoreni mjesečni fiksni iznos za pružanje ove usluge. U slučaju prestanka pružanja ove usluge iz razloga navedenih u ovom članu, Korisnika leasinga je dužan da nastavi da plaća ugovorenu naknadu do isteka perioda održavanja u svemu kako je predviđeno Ugovorom.



19. NADOKNADA TROŠKOVA REGISTRACIJE VOZILA

19.1 Nadoknada troškova registracije predmeta održavanja podrazumijeva da će Davalac leasinga prilikom registracije vozila i produženja registracije snositi sve troškove povezane sa registracijom (tehnički pregled, administrativne takse, troškove izdavanja tablica i saobraćajne dozvole kod prve registracije, zelena karta), osim troškova obaveznog osiguranja vozila od auto-odgovornosti, a što je Davalac leasinga obavezan da pruži ukoliko je izričito ugovorena, a u skladu s ovim Uslovima. Navedene troškove će Korisnik leasinga plaćati kroz naknadu troškova registracije predmeta održavanja u iznosima iskazanim Ugovorom tokom perioda održavanja.

20. NADOKNADA TROŠKOVA OBAVEZNOG OSIGURANJA OD AUTOODGOVORNOSTI (POLICA OSIGURANJA OD AUTOODGOVORNOSTI)

20.1 Nadoknada troškova obaveznog osiguranja od auto-odgovornosti podrazumijeva da će Davalac leasinga, u skladu s uslovima društva za osiguranje, osigurati i snositi troškove obaveznog osiguranja od auto-odgovornosti vozila koje je predmet ugovora, a što je Davalac leasinga obavezan da pruži ukoliko je izričito ugovoreno u skladu s ovim Uslovima. U slučaju potrebe, a na zahtjev Korisnik leasinga, uz obavezno osiguranje može biti uključen i trošak drugih osiguranja koja su po mjerodavnom zakonu propisana kao obavezna u Bosni i Hercegovini.

20.2 Prihvaćenom ponudom osiguravajućeg društva od strane Korisnika leasinga bit će prihvaćeni svi bitni elementi Ugovora o osiguranju koje zaključi Davalac leasinga. Navedene troškove će Korisnik leasinga plaćati kroz naknadu troškova osiguranja od auto-odgovornosti u mjesečnom iznosu koji je iskazan Ugovorom tokom cijelog perioda održavanja.

21. NADOKNADA TROŠKOVA OSIGURANJA MOTORNIH VOZILA (KASKO OSIGURANJA)

21.1 Nadoknada troškova osiguranja motornih vozila (kasko osiguranja) podrazumijeva da će Davalac leasinga, u skladu s uslovima društva za osiguranje, s kojima se Korisnik leasinga prethodno u cijelosti upoznao i saglasio, kod društva za osiguranje uz pristanak Korisnika leasinga osigurati i snositi ukupne troškove kasko osiguranja vozila koje je predmet Ugovora, a što je Davalac leasinga obavezan da pruži ukoliko je izričito ugovorena i u skladu s ovim Uslovima. Ugovorom će se imenovati društvo za osiguranje kod kojeg će biti ugovoreno kasko osiguranje, kao i visina učešća u šteti po polici kasko osiguranja. U slučaju potrebe, a na zahtjev Korisnika leasinga, uz kasko osiguranje može biti ugovoreno osiguranje putnika od auto-nezgode (osiguranje vozača i putnika u vozilu za slučaj smrti ili invaliditeta, a kao posljedica ostvarivanja saobraćajne nezgode).

21.2 Prihvaćenom ponudom osiguravajućeg društva od strane Davaoca leasinga/Korisnik leasinga bit će prihvaćeni svi bitni elementi Ugovora o kasko osiguranju, uključujući i učešće u šteti, koje će prilikom eventualnog nastanka osiguranog slučaja snositi sam Korisnik leasinga. Troškove kasko osiguranja i druge navedene troškove ukoliko su ugovoreni, Korisnik leasinga će nadoknaditi plaćanjem naknade usluge kasko osiguranja u mjesečnim iznosima koji je iskazan Ugovorom tokom perioda održavanja.

22. USLUGA ZAMJENSKOG VOZILA

22.1 Dodatna usluga zamjenskog vozila podrazumijeva mogućnost korištenja zamjenskog vozila, a tu uslugu je Davalac leasinga obavezan da pruži ukoliko je izričito ugovorena, u situacijama i obimu koji je utvrđen Ugovorom, a u skladu s ovim Uslovima.

22.2 Davalac leasinga i Korisnik leasinga će ugovoriti jedan od dva modela usluge zamjenskog vozila kako slijedi:

- Ograničen broj dana korištenja zamjenskog vozila - podrazumijeva model usluge prema kojem će Korisnik leasinga biti u mogućnosti da koristi zamjensko vozilo u situacijama kada je vozilo - predmet ugovora iz objektivnih razloga van eksploatacije, ali ograničen broj dana, koji je iskazan Ugovorom;
- Neograničen broj dana korištenja zamjenskog vozila - podrazumijeva model usluge prema kojem će Korisnik leasinga biti u mogućnosti da koristi zamjensko vozilo u situacijama kada je vozilo - predmet ugovora iz objektivnih razloga van eksploatacije, bez ograničenja u broju dana korištenja.

22.3 Ugovaranjem usluge zamjenskog vozila Korisnik leasinga stiče mogućnost da u okviru izabranog modela koristi zamjensko vozilo, dok nekorisćenje ove usluge ne oslobađa Korisnika leasinga obaveze plaćanja ugovorene mjesečne naknade po ovom osnovu, niti ostavlja pravo Korisniku leasinga da traži povrat bilo kog mjesečnog iznosa plaćenog po ovom osnovu.

22.4 Ugovorne strane su saglasne da je eventualni broj neiskorištenih zamjenskih dana moguće prenositi na vozila koja su predmeti drugih zaključenih Ugovora između Davaoca leasinga i Korisnika leasinga, osim ukoliko ova odredba nije isključena sporazumom ugovornih strana.

22.5 O potrebi korištenja zamjenskog vozila Korisnik leasinga će u pisanoj formi (putem e-maila) izvijestiti Davaoca leasinga, koji se obavezuje da u roku od 48 sati, računajući od momenta prijema zahtjeva, preko ovlaštenog partnera za pružanje ove usluge ili iz sopstvene flote, obezbijedi Korisniku leasinga zamjensko vozilo.

22.6 Potpisom ovih Uslova, Korisnik leasinga potvrđuje da je upoznat sa činjenicom iz prethodnog člana. Iz ovih razloga, prilikom predaje na korištenje zamjenskog vozila, Korisnik leasinga će, od strane ovlaštenog partnera Davaoca leasinga ili predstavnika Davaoca leasinga, biti predati uslovi korištenja zamjenskog vozila, dok se Korisnik leasinga obavezuje da će svojim potpisom i pečatom potvrditi njihov prijem. Korisnik leasinga se obavezuje da će za vrijeme korištenja zamjenskog vozila u svemu postupiti u skladu s uslovima korištenja zamjenskog vozila, kao i da će u potpunosti poštovati procedure navedene u uslovima korištenja.



22.7 Korisnik leasinga se obavezuje da će se prema zamjenskom vozilu, za sve vrijeme njegovog korištenja, ponašati s pažnjom dobrog domaćina/privrednika. U skladu sa ugovorenim, Korisnik leasinga se obavezuje da će nadoknaditi svaku i bilo koju štetu koja eventualno nastane na zamjenskom vozilu za vrijeme njegovog korištenja, bez obzira na to da li je šteta prouzrokovana nepažnjom Korisnika leasinga ili bilo kog trećeg lica, u slučaju da pretrpljena šteta ne bude nadoknađena u cjelini ili djelimično od strane društva za osiguranje kod kojeg je vozilo kasko osigurano, a na osnovu uslova osiguranja i ugovora o osiguranju (police osiguranja). Utvrđeni iznosi eventualno nastalih šteta na zamjenskom vozilu bit će naplaćeni neposredno od Korisnika leasinga, koji se svojim potpisom na ovim Uslovima izričito saglašava da se radi namirenja obaveza nastalih po ovom osnovu mogu koristiti sredstva obezbjeđenja data po osnovu Ugovora. Isto pravilo će se primijeniti ukoliko nakon vraćanja zamjenskog vozila pristigne na plaćanje doplatna parking karta i/ili bilo koja kazna za učinjeni saobraćajni prekršaj, dok je Korisnik leasinga saglasan da Davaalac leasinga može podatke o njegovom identitetu, kao korisniku zamjenskog vozila, dostaviti ovlaštenom partneru koji je vlasnik zamjenskog vozila ili državnim organima. Korisnik leasinga je dužan da vozilo vrati sa količinom goriva u rezervoaru s kojom je vozilo i preuzeto, te ukoliko Korisnik leasinga ne postupi na taj način dužan je da nadoknadi troškove dopune goriva.

22.8 Davaalac leasinga i Korisnik leasinga će se opredijeliti za istu ili nižu klasu zamjenskog vozila u odnosu na Predmet leasinga.

22.9 Ugovorne strane su saglasne da promjena ugovorene klase zamjenskih vozila nisu moguće za vrijeme važenja Ugovora.

23. USLUGA DOVOŽENJE I ODVOŽENJE VOZILA

23.1 Dodatna usluga dovoženja i odvoženja vozila podrazumijeva uslugu koja se vrši po potrebi radi obavljanja promjene guma na vozilu, redovnog servisa i redovnog tehničkog pregleda vozila, a tu uslugu je Davaalac leasinga obavezan da pruži ukoliko je izričito ugovorena, u situacijama i obimu koji je utvrđen Ugovorom, a u skladu s ovim Uslovima.

23.2 O potrebi korištenja usluge, Korisnik leasinga je dužan obavijestiti Davaoca leasinga najmanje 48 sati prije događaja.

23.3 Pod događajem, u skladu sa odredbama Ugovora, smatra se jedan odvoz i dovoz vozila koje je predmet ugovora radi promjene guma na vozilu, redovnog servisa i redovnog tehničkog pregleda. Obim usluge dovoza i odvoza se ugovara za fiksni broj događaja i u toku važenja Ugovora broj događaja nije moguće mijenjati. Ugovoreni broj događaja se odnosi isključivo na vozilo koje je predmet ugovora kojim je ugovorena ova usluga, bez mogućnosti prebacivanja događaja na bilo koje drugo vozilo.

23.4 Ugovaranjem usluge dovoza i odvoza, Korisnik leasinga stiče mogućnost njenog korištenja, dok nekorisćenje ove usluge ne oslobađa Korisnika leasinga obaveze plaćanja ugovorene mjesečne naknade po ovom osnovu, niti ostavlja pravo Korisnika leasinga da traži povrat bilo kog mjesečnog iznosa plaćenog po ovom osnovu.

24. USLUGA FLEET ASISTENCIJE

24.1 Dodatna usluga podrazumijeva obezbijeđen Call centar 24/7 koju na usluzi Korisnik leasinga ima radi neophodne savjetodavne pomoći, popravku na licu mjesta, šlep do najbližeg ovlaštenog servisa, dostavu goriva i ključeva vozila, a tu uslugu je Davaalac leasinga obavezan da pruži ukoliko je izričito ugovorena u situacijama i obimu koji je utvrđen Ugovorom, a u skladu s ovim Uslovima.

24.2 Davaalac leasinga i Korisnik leasinga će ugovoriti jedan od navedenih modela usluge fleet asistencije kako slijedi:

- Paket PL1 podrazumijeva sljedeće usluge koje se pružaju isključivo na teritoriji Bosne i Hercegovine tokom perioda održavanja: popravka vozila na licu mjesta bez ograničenja kilometraže, korištenje šlep-usluge u slučaju težeg kvara ili saobraćajne nezgode bez ograničenja pređenog puta, besplatna usluga dostave goriva (20l) do 100km u oba pravca (gorivo nije uključeno u cijenu usluge), besplatna dostava rezervnih ključeva do 100km u oba pravca (ključevi nisu uključeni u cijenu usluge), usluga Call centra 24/7, što podrazumijeva pravne savjete, procjene vrijednosti vozila, informacije o putnim pravcima i druge potrebne informacije.
- Paket PL2 pored svih usluga iz paketa PL1 podrazumijeva i sljedeće usluge : korištenje šlep-službe do ovlaštenog servisa najbližeg mjestu nastanka kvara ili nezgode u inostranstvu.

Pojam inostranstva iz ovog člana odnosi se na sljedeće zemlje: Andora, Austrija, Belgija, Bugarska, Crna Gora, Češka, Danska, Estonija, Finska, Francuska, Grčka, Holandija, Hrvatska, Irska, Italija, Kipar, Latvija, Lihtenštajn, Litvanija, Luksemburg, Sjeverna Makedonija, Mađarska, Malta, Monako, Norveška, Njemačka, Poljska, Portugal, Rumunija, San Marino, Slovačka, Slovenija, Srbija, Španija, Švedska, Švicarska, Turska, Velika Britanija.

24.3 Ugovorne strane su saglasne da se ugovoreni obim usluge odnosi isključivo na vozilo koje je predmet Ugovora o pružanju dodatnih usluga, odnosno da eventualno nekorisćenje usluge Fleet asistencije nije moguće prenositi na vozila koja su predmeti drugih zaključenih Ugovora između Davaoca leasinga i Korisnika leasinga, osim ukoliko suprotno nije ugovoreno i izričito iskazano u Ugovoru.

25. USLUGA GPS NADZORA VOZILA

25.1 Dodatna usluga GPS nadzora vozila podrazumijeva ugradnju, instalaciju GPS/GPRS uređaja i njegovo priključenje u sistem, uslugu pružanja tehničke podrške u vezi s praćenjem vozila pomoću GPS/GPRS uređaja i servisiranjem GPS/GPRS uređaja, neprekidan pristup praćenju vozila preko kontrolnog centra Dobavljača - Partnera Davaoca leasinga za pružanje ove usluge, a tu uslugu je Davaalac leasinga obavezan da pruži ukoliko je izričito ugovorena, u situacijama i obimu koji je utvrđen Ugovorom, a u skladu s ovim Uslovima.



25.2 Sva oprema za GPS nadzor vozila bit će ugrađena nova, sa izdatom garancijom proizvođača za pravilno funkcionisanje čije važenje je jednako važenju Ugovora.

25.3 Troškove redovnog servisiranja GPS/GPRS uređaja u garantnom roku vrši dobavljač - Partner Davaoca leasinga za pružanje ove usluge, o svom trošku bez naknade, osim u slučaju kada kvar na GPS/GPRS uređaju nastane uslijed pokušaja popravke GPS uređaja od strane neovlaštenih lica, uklanjanje garantnih i drugih obilježja sa GPS uređaja, pojave fizičkog oštećenja nastalog upotrebom fizičke sile (prilikom saobraćajnog udesa, manipulisanjem raznim predmetima u blizini GPS/GPRS uređaja i sl.), kao i u slučaju pojave problema u izvoru napajanja GPS/GPRS uređaja do koga je došlo uslijed neispravnog akumulatora ili alternatora.

25.4 Dodatni, eventualno nastali troškovi održavanja uređaja za GPS nadzor vozila, ne predstavljaju predmet Ugovora i predstavljaju isključivu obavezu Korisnika leasinga, bez prava na refundaciju ostvarenih troškova od Davaoca leasinga.

25.5 Prilikom korištenja uređaja za GPS nadzor vozila, Korisnik leasinga se obavezuje da u svemu postupa u skladu s uslovima proizvođača koji se predaju na dan zaključenja Ugovora.

25.6 Oprema za GPS nadzor vozila ne može biti ugrađena tako da narušava ili umanjuje funkcionalnu i/ili estetsku vrijednost vozila i mora biti ugrađena tako da ni na jedan način ne može uticati na gubitak garancije predmeta održavanja izdate od strane proizvođača vozila.

26. USLUGA ZAŠTITNOG UREĐAJA

26.1 Dodatna usluga zaštitnog uređaja podrazumijeva ugradnju, instalaciju zaštitnog uređaja i njegovo priključenje u sistem, a tu uslugu je Davaoca leasinga obavezan da pruži ukoliko je izričito ugovorena Ugovorom i to ugradnjom uređaja koji je utvrđen Ugovorom u skladu s ovim Opštim uslovima, dok se Korisnik leasinga po tom osnovu obavezuje da plaća predviđenu naknadu.

26.2 Zaštitni uređaj se ugrađuje nov sa garancijom proizvođača. Troškove servisiranja tokom garantnog perioda snosi dobavljač uređaja, osim u slučaju da je uređaju nastane uslijed pokušaja popravke uređaja od strane neovlaštenih lica, uklanjanje garantnih i drugih obilježja sa uređaja, pojave fizičkog oštećenja nastalog upotrebom fizičke sile (prilikom saobraćajnog udesa, manipulisanjem raznim predmetima u blizini uređaja i sl.), kao i u slučaju pojave problema u izvoru napajanja uređaja do koga je došlo uslijed neispravnog akumulatora ili alternatora, u kom slučaju troškove snosi Korisnik leasinga. Dodatni, eventualno nastali troškovi održavanja zaštitnog uređaja ne predstavljaju predmet održavanja po ovom Ugovoru i predstavljaju isključivu obavezu Korisnika leasinga, bez prava na refundaciju ostvarenih troškova od Davaoca leasinga.

26.3 Prilikom korištenja zaštitnog uređaja, Korisnik leasinga se obavezuje da u svemu postupa u skladu s uslovima proizvođača. Zaštitni uređaj ne može biti ugrađen da narušava ili umanjuje funkcionalnu i/ili estetsku vrijednost vozila i mora biti ugrađena tako da ni na jedan način ne može uticati na gubitak garancije vozila izdate od strane proizvođača.

27. NAKNADA ZA KORIŠTENJE ELEKTRIČNOG PUNJAČA ELEKTRIČNIH VOZILA

27.1 Dodatna usluga podrazumijeva da će Davaoca leasinga staviti na raspolaganje punjač koji je definisan odredbama Ugovora na korištenje Korisniku leasinga, a tu uslugu je Davaoca leasinga obavezan da pruži ukoliko je izričito ugovorena Ugovorom, dok se Korisnik leasinga po tom osnovu obavezuje da plaća predviđenu naknadu.

27.2 Korisniku leasinga se predaje nov punjač sa garancijom proizvođača, ukoliko nije drugačije ugovoreno. Troškove servisiranja tokom garantnog perioda snosi dobavljač uređaja, osim u slučaju da je uređaju nastane uslijed pokušaja popravke uređaja od strane neovlaštenih lica, uklanjanje garantnih i drugih obilježja sa uređaja, pojave fizičkog oštećenja nastalog upotrebom fizičke sile (manipulisanjem raznim predmetima u blizini uređaja i sl.), kao i u slučaju pojave problema u izvoru napajanja uređaja do koga je došlo uslijed neispravnih električnih instalacija, u kom slučaju troškove snosi Korisnik leasinga. Dodatni, eventualno nastali, troškovi održavanja punjača ne predstavljaju predmet održavanja po ovom Ugovoru i predstavljaju isključivu obavezu Korisnika leasinga, bez prava na refundaciju učinjenih troškova od Davaoca leasinga.

27.3 Po isteku perioda korištenja vozila Korisnik leasinga se obavezuje da vrati punjač te isplatom svih ugovorenih naknada ne stiče pravo svojine.

28. NAKNADA ZA IZDAVANJE DOKUMENTACIJE ILI PRUŽANJE JEDNOKRATNIH USLUGA

28.1 Dodatna usluga podrazumijeva da će Davaoca leasinga snositi troškove izdavanje dokumentacije, pranja vozila ili drugih troškove po zahtjevu, a tu uslugu je Davaoca leasinga obavezan da pruži ukoliko je izričito ugovorena kao mogućna usluga Ugovorom dok se Korisnik leasinga po tom osnovu obavezuje da plati prefakturisane troškove kroz prvu narednu fakturu za mjesečne usluge nakon pružene usluge naručene od strane Davaoca leasinga i uvećano za primjerenu naknadu, ukoliko tako bude dogovoreno između strana po primljenom zahtjevu

29. UPRAVLJANJE USLUGAMA

29.1 Upravljanje voznim parkom podrazumijeva administriranje koje je vezano za vozilo, logističku podršku i upravljanje štetnim događajima (savjeti u trenutku nastanka štetnog događaja, likvidacija/naplata štete, izbor servisa za popravku), pregled aktivnih vozila u održavanju, ugovorenih dodatnih usluga i pregled rata na zahtjev, kao i druge izvještaje po izboru Korisnika leasinga, a tu uslugu je Davaoca leasinga obavezan da pruži ukoliko je izričito ugovorena, u situacijama i obimu koji je utvrđen Ugovorom, a u skladu s ovim Uslovima.



OBAVEZE KORISNIKA LEASINGA

30. PLAĆANJA DODATNIH USLUGA

30.1. Sve naknade dodatnih usluga iz Ugovora o operativnom leasingu su iskazane u EUR, pri čemu se sva plaćanja izvršavaju u KM, u roku navedenom na računima izdatim po tom osnovu, i obračunavaju se po ugovorenom kursu BAM/EUR na dan obračuna.

30.2. Ukoliko je ugovoreno pružanje fiksnih dodatnih usluga, Korisnik leasinga je u obavezi da tokom ugovorenog perioda vrši plaćanje fiksnog iznosa naknade usluge, koji je iskazan Ugovorom. Promjena naknade fiksnih usluga može se vršiti jedino ukoliko dođe do promjene poreskih stopa koje terete promet usluga (povećanje stope PDV-a i dr.) ili dođe do promjene administrativnih taksi i naknada određenih od strane državnih organa koje su povezane sa pružanjem pojedinačnih ugovorenih usluga.

30.3. Ukoliko je ugovoreno pružanje obračunskih dodatnih usluga, Korisnik leasinga je obavezan da Davaocu leasinga plati ukupno mjesečno zaduženje po Ugovoru, odnosno obračunati iznos u skladu s izvršenim usklađivanjima za vrijeme njegovog trajanja. Mjesečni iznos zaduženja po osnovu Ugovora, pored naknade za korištenje vozila, se sastoji iz mjesečne naknade za upravljanje uslugama, obračunskog mjesečnog iznosa po osnovu svih ugovorenih dodatnih usluga (održavanja vozila i ugovorenih dodatnih usluga) i svih zakonom propisanih poreza. Iznos u EUR će se u KM protuvrijednosti obračunati u skladu sa ovim Opštim uslovima, dok će iznos mjesečnog zaduženja biti redovno usklađivan u vrijeme i na način preciziran ovim Opštim uslovima održavanja.

31. USKLAĐIVANJE NAKNADA USLUGA KOD DODATNIH OBRAČUNSKIH USLUGA

· Usklađivanje kod fiksnih dodatnih usluga

31.1. Ukoliko je ugovoreno pružanje dodatnih fiksnih usluga, Davalac leasinga će izvršiti usklađivanje iznosa naknada u slučaju da dođe do promjena poreskih stopa koje terete promet usluga (povećanje stope PDV-a i dr.) ili dođe do promjene administrativnih taksi i naknada određenih od strane državnih organa koje su povezane s pružanjem pojedinačnih ugovorenih usluga, prekoračenja ugovorene kilometraže ili produženja trajanja Ugovora na zahtjev Korisnika leasinga. U slučaju eventualnog usklađivanja po ovim osnovama, Davalac leasinga će sačiniti poseban Aneks ugovora o leasingu kojim se definišu promjene.

· Usklađivanje kod obračunskih dodatnih usluga

31.2. Ukoliko je ugovoreno pružanje dodatnih obračunskih usluga Davalac leasinga će vršiti usklađivanje upoređivanjem mjesečnih naknada usluga koje su plaćene i stvarno nastalih troškova pružanja dodatnih usluga, uobičajeno jednom godišnje, ali ne prije isteka perioda od 18 mjeseci od zaključenja Ugovora ili samo prilikom isteka Ugovora, a sve u skladu sa dogovorom i potrebama Korisnika leasinga. Ukoliko tokom uobičajenog usklađivanja Davalac leasinga utvrdi da troškovi pružanja dodatnih usluga odstupaju od plaćenog iznosa naknada Davalac leasinga će izvršiti promjenu iznosa naknada usluga ili ukoliko na prilikom isteka Ugovora utvrdi da su stvarni troškovi veći od obračunatih naknada, Davalac leasinga će ispostaviti obračun dodatnih troškova na plaćanja.

31.3. Prilikom usklađivanja nije potrebna saglasnost Korisnika leasinga, već će Davalac leasinga u pisanoj formi izvijestiti Korisnika leasinga o nastalim promjenama, sa čime se on svojim potpisom na ovim Uslovima u potpunosti saglašava.

32. KAŠNENJE KORISNIKA LEASINGA SA PLAĆANJEM NAKNADA DODATNIH USLUGA

32.1. Ugovorne strane saglasno ugovaraju da ispunjenje obaveza u roku predstavlja bitan element Ugovora.

32.2. U slučaju kašnjenja sa plaćanjem bilo kog iznosa po osnovu Ugovora, Korisnik leasinga je obavezan da Davaocu leasinga, za svaki dan kašnjenja plaća zakonsku zateznu kamatu u skladu sa propisima. Ukoliko Korisnik leasinga kasni sa plaćanjem bilo koje obaveze po osnovu Ugovora, Davalac leasinga će krenuti sa procesom opominjanja. Davalac leasinga će Korisniku leasinga na osnovu naknade za obračun i obradu potraživanja, te za opomene naplatiti iznose od: prva opomena 1 KM, druga opomena 2 KM, treća opomena 3 KM uvećano za iznos PDV-a. Ukoliko Korisnik leasinga poslije treće opomene, koja se šalje preporučenom poštom, ne ispuni svoje obaveze iz Ugovora, ima se neopozivo smatrati da iz datih okolnosti proizilazi da Korisnik leasinga neće ispuniti ni buduće obaveze koje su proistekle iz Ugovora, te Ugovorne strane saglasno ugovaraju da je Davalac leasinga ovlašten da:

- otkáže Ugovor i zahtjeva isplatu svih dospjelih obaveza i obaveza po osnovu Obračuna iz čl. 37 ovih Uslova,
- aktivira ugovorene instrumente obezbjeđenja za cjelokupan iznos iz prethodne tačke.

Ukoliko Korisnik leasinga ima više zaključenih ugovora fakturisanje ispostavljenih opomena po svim ugovorima može se vršiti jednom fakturom.



33. KORIŠTENJE VOZILA SA UGOVORENIM DODATNIM USLUGAMA

33.1 Korisnik leasinga je obavezan da o vozilu brine sa pažnjom dobrog domaćina/privrednika, uz potpuno poštivanje uputstava proizvođača za održavanje i funkcionisanje, kao i uslova iz garancije proizvođača predmeta održavanja.

33.2 Korisnik leasinga se također obavezuje da će vozilo upotrebljavati u skladu sa propisima koji regulišu bezbjednost saobraćaja na putevima i u skladu sa optimalnim načinom eksploatacije vozila, te će Davalac leasinga ugovorene usluge pružiti na način koji obezbjeđuje korištenje vozila u skladu sa ograničenjima koja su predviđena zakonskim propisima. Ukoliko Korisnik leasinga ima posebnu potrebu za korištenjem vozila na način koji izlazi iz navedenih standarda dužan je da o tome obavijesti Davaoca leasinga prilikom zaključenja Ugovora.

33.3 Ukoliko postoji sumnja da Korisnik leasinga nesavjesno koristi vozilo ili da se ne pridržava uputstava za održavanje i funkcionisanje kao i uslova iz garancije, Korisnik leasinga će na poziv Davaoca leasinga omogućiti ovlaštenom stručnjaku da pregleda vozilo. Ukoliko se nakon pregleda vozila sumnja potvrdi, Davalac leasinga ima pravo da od Korisnika leasinga zahtjeva naknadu troškova pregleda, uvećanu za sve zakonom propisane poreze. Ako Korisnik leasinga u roku od tri dana po prijemu obavještenja od Davaoca leasinga ne omogući stručnjaku da vozilo pregleda, smatrat će se da Korisnik leasinga nesavjesno postupa sa vozilom, odnosno da se ne pridržava uputstava za održavanje i korištenje kao i uslova iz garancije.

33.4 Ukoliko se sumnja da Korisnik leasinga nesavjesno postupa s vozilom ili da se ne pridržava uputstava za održavanje i korištenje, kao i uslova iz garancije proizvođača, pokaže kao opravdana, odnosno/ili ukoliko Korisnik leasinga u roku od tri dana po prijemu obavještenja od Davaoca leasinga ne omogući stručnjaku da pregleda vozilo koje je predmet Ugovora, Davalac leasinga je ovlašten da Ugovor jednostrano raskine krivicom Korisnika leasinga i sačini obračun u skladu sa ovim Uslovima.

34. OBAVEZA PRIJAVE

34.1 Pravno valjanim i obavezujućim za obje ugovorne strane smatraju se podaci (adresa, registarski broj vozila i slično) i radnje izvršene u odnosu na te podatke (dostava pismena i sl.). S tim u vezi, Korisnik leasinga je dužan da bez odlaganja, u pisanoj formi obavijesti Davaoca leasinga o svakoj promjeni adrese/sjedišta, registarskog broja vozila i bilo kojih drugih promjena koji su od značaja za izvršenje Ugovora i ovih Uslova koji čine njegov sastavni dio.

35. POČETAK I PRESTANAK ODREDBI O PRUŽANJU DODATNIH USLUGA IZ UGOVORA O OPERATIVNOM LEASINGU

35.1 Kao dan početka važenja, smatra se dan koji je Ugovorom naveden kao dan njegovog zaključenja.

35.2 Odredbe kojima je ugovoreno pružanje dodatnih usluga prestaju istekom ugovorenog perioda na koji je zaključen.

35.3 Pružanje dodatnih usluga prestaje u slučaju kršenja ugovorenih bitnih odredbi određenih Ugovorom i ovim Uslovima, i to posebno:

- u slučaju kašnjenja sa plaćanjem naknada ugovorenih usluga,
- u slučaju da je prekoračena ugovorena kilometraža označena Ugovorom kada je ugovoren model fiksne dodatne usluge ukoliko Korisnik leasinga ne prihvata novi obračun,
- u slučaju neispunjenja obaveze zamjene sredstava obezbjeđenja iz člana 10 ovih Uslova.

35.4 U slučaju krađe ili totalne (potpune) štete na vozilu koje je predmet Ugovora i njenog konstatovanja od strane osiguravajućeg društva, do prestanka važenja Ugovora dolazi od trideset (30) dana od prijema pisanog obavještenja od osiguravajućeg društva da je nastupila krađa ili totalna šteta na Predmetu leasinga. U slučaju da je ugovoreno pružanje dodatnih fiksnih usluga, Davalac leasinga će sačiniti obračun, dok se Korisnik leasinga obavezuje da Davaocu leasinga isplati sva dospjela, a neplaćena potraživanja po osnovu Ugovora koja su nastala do dana prestanka, uvećana za kompletan preostali dio ugovorenih mjesečnih iznosa registracije, obaveznog i kasko osiguranja predmeta održavanja za godinu u kojoj je do raskida Ugovora došlo, u koju ne ulazi mjesečna naknada za upravljanje uslugama. U slučaju da je ugovoreno pružanje dodatnih obračunskih usluga, Davalac leasinga će sačiniti obračun kako je to regulisano odredbom 37.6 ovih Uslova.

36. OBAVEZE KORISNIKA LEASINGA PO OSNOVU DODATNIH USLUGA U SLUČAJU ISTEKA/ RASKIDA/ PREKIDA UGOVORA O OPERATIVNOM LEASINGU

36.1 Po isteku kompletnog vremena na koji je zaključen Ugovor, kao i u slučaju raskida/prekida Ugovora, Davalac leasinga će izvršiti obračun svih dospjelih i obračunatih obaveza Korisnika leasinga. U slučaju da se ovim obračunom utvrdi postojanje dospjelih, a neplaćenih obaveza iz i po osnovu Ugovora kojim je ugovoreno pružanje dodatnih usluga, Davalac leasinga je ovlašten da radi naplate ovog iznosa kao i iznosa duga po osnovu Ugovora, iskoristi sva ugovorena sredstva obezbjeđenja data po osnovu Ugovora.



37. OBRAČUN PO OSNOVU UGOVORA - ISTEK/ RASKID/ PREKID

• **Obračun kod fiksnih dodatnih usluga**

• **Redovni istek ugovora**

37.1 U slučaju da se prilikom povrata Predmeta leasinga utvrdi da je istim pređena veća kilometraža od ugovorene, a da Davaoac leasinga o tome nije obavješten, Davaoac leasinga je ovlašten da izvrši obračun i od Korisnika leasinga naplati naknadu za više pređene kilometre u skladu sa Ugovorom.

• **Raskid i prijevremeni prekid ugovora krivicom Korisnika leasinga**

37.2 U slučaju raskida Ugovora iz razloga navedenih ovim Opštim uslovima, kao i u bilo kom drugom slučaju prijevremenog raskida Ugovora do koga je došlo krivicom ili na zahtjev Korisnik leasinga, Korisnik leasinga je dužan da Davaocu leasinga, u jednokratnom iznosu, po osnovu Ugovora, u skladu s obimom ugovorenenih dodatnih usluga, isplati sva dospjela, a neplaćena potraživanja nastala do dana raskida (potraživanja po osnovu održavanja vozila i drugih ugovorenenih dodatnih usluga), uvećana za:

- eventualno utvrđenu razliku između obračunatih i stvarno nastalih troškova održavanja vozila,
- eventualno utvrđenu razliku između obračunatih i stvarno nastalih troškova održavanja guma na vozilu,
- kompletan preostali dio ugovorenenih mjesečnih iznosa po osnovu registracije za godinu u kojoj je do raskida/prekida ugovora došlo,
- kompletan preostali dio ugovorenenih mjesečnih iznosa po osnovu obaveznog osiguranja za godinu u kojoj je do raskida/prekida ugovora došlo,
- eventualno utvrđenu razliku između obračunatih i stvarno nastalih troškova kasko osiguranja umanjenu za refundirani iznos na ime neiskorištene premije od strane osiguravajućeg društva vraćen Davaocu leasinga,
- razliku između svih obračunatih mjesečnih naknada po osnovu korištenja zamjenskog vozila i stvarnih troškova nastalih upotrebom zamjenskog vozila,
- kompletan preostali dio ugovorenenih mjesečnih iznosa po osnovu usluge GPS,
- kompletan preostali dio ugovorenenih mjesečnih iznosa po osnovu usluge zaštitnog uređaja,
- kompletan preostali dio ugovorenenih mjesečnih iznosa po osnovu naknade za korištenje punjača,
- razliku između svih obračunatih mjesečnih naknada po osnovu usluge odvoza i dovoza i stvarnih troškova nastalih upotrebom korištenjem ove usluge.

37.3 U obračun po ovom osnovu ne ulazi mjesečna naknada za upravljanje uslugama. Sve elemente obračuna Korisnik leasinga je uzeo u obzir prilikom zaključenja Ugovora, naročito u pogledu visine i načina utvrđenja ukupnih obaveza u slučaju prijevremenog prekida/raskida Ugovora.

37.4 Obaveze Korisnika leasinga po osnovu sačinjenog obračuna dostijevaju 8 dana od izdavanja obračuna i Davaoac leasinga je ovlašten da radi naplate utvrđenog iznosa po tom osnovu iskoristi sva sredstva obezbjeđenja primljena po osnovu Ugovora, sa čime se Korisnik leasinga izričito saglašava svojim potpisom na ovim Uslovima.

• **Obračun kod obračunskih dodatnih usluga**

• **Redovni istek ugovora**

37.5 Nakon isteka kompletnog vremena na koji je Ugovor zaključen, Davaoac leasinga će izvršiti obračun svih dospjelih, a neplaćenih obaveza Korisnika leasinga iz i po osnovu Ugovora kojim je ugovoreno pružanje obračunskih dodatnih usluga, kao i obračun razlike između svih obračunatih mjesečnih iznosa i stvarnih troškova koji su nastali po osnovu Ugovora (u obračun ne ulazi mjesečna naknada za upravljanje uslugama) i to:

- eventualno utvrđenu razliku između obračunatih i stvarno nastalih troškova održavanja vozila,
- eventualno utvrđenu razliku između obračunatih i stvarno nastalih troškova održavanja guma na vozilu,
- eventualno utvrđenu razliku između obračunatih i stvarno nastalih troškova registracije vozila,
- eventualno utvrđenu razliku između obračunatih i stvarno nastalih troškova obaveznog osiguranja od auto-odgovornosti,
- eventualno utvrđenu razliku između obračunatih i stvarno nastalih troškova kasko osiguranja.

37.6 U slučaju da obračunati mjesečni iznosi prelaze stvarne troškove nastale po osnovu ovog Ugovora i da je Korisnik leasinga izmirio sve obaveze prema Davaocu leasinga, utvrđeni iznos više plaćenih troškova bit će vraćen Korisniku leasinga, odnosno iskorišten za namirenje eventualno utvrđenih obaveza po osnovu drugih ugovora između Davaoac leasinga i Korisnik leasinga, sa čime se Korisnik leasinga izričito saglašava svojim potpisom na ovim Uslovima.

37.7 U slučaju da se obračunom utvrdi da su obračunati mjesečni iznosi (u koje ne ulaze troškovi naknade za upravljanje uslugama) manji od stvarno nastalih troškova na strani Davaoac leasinga, Korisniku leasinga će po tom osnovu biti ispostavljena dodatna faktura, dok je Davaoac leasinga ovlašten da radi naplate ovog iznosa kao i iznosa duga po osnovu Ugovora, iskoristi sva sredstva obezbjeđenja data po osnovu Ugovora.



Raskid i prijevremeni prekid ugovora krivicom Korisnika leasinga

37.8 U slučaju raskida Ugovora iz razloga navedenih ovim Opštim uslovima i kao i u bilo kom drugom slučaju prijevremenog raskida Ugovora do koga je došlo krivicom ili na zahtjev Korisnik leasinga, Korisnik leasinga je dužan da Davaocu leasinga, u jednokratnom iznosu, isplati sva dospjela, a neplaćena potraživanja nastala do dana raskida (potraživanja po osnovu održavanja vozila i drugih ugovorenih dodatnih usluga) uvećana za:

obračun naknada prvog dijela usluga i to :

- eventualno utvrđenu razliku između obračunatih i stvarno nastalih troškova održavanja vozila,
- eventualno utvrđenu razliku između obračunatih i stvarno nastalih troškova održavanja guma na vozilu,
- eventualno utvrđenu razliku između obračunatih i stvarno nastalih troškova registracije vozila,
- eventualno utvrđenu razliku između obračunatih i stvarno nastalih troškova obaveznog osiguranja od auto-odgovornosti,
- eventualno utvrđenu razliku između obračunatih i stvarno nastalih troškova kasko osiguranja,

kao i uvećana za obračun drugog dijela usluga i to :

- razliku između svih obračunatih mjesečnih naknada po osnovu korištenja zamjenskog vozila i stvarnih troškova nastalih upotrebom zamjenskog vozila,
- kompletan preostali dio ugovorenih mjesečnih iznosa po osnovu usluge GPS,
- kompletan preostali dio ugovorenih mjesečnih iznosa po osnovu usluge zaštitnog uređaja,
- kompletan preostali dio ugovorenih mjesečnih iznosa po osnovu naknade za korištenje punjača,
- razliku između svih obračunatih mjesečnih naknada po osnovu usluge odvoza i dovoza i stvarnih troškova nastalih korištenjem ove usluge.

37.9 U slučaju da obračunati mjesečni iznosi prvog dijela usluga po tačkama koje iz prethodnog člana prelaze stvarne troškove nastale po osnovu ovog Ugovora i da je Korisnik leasinga izmirio sve dospjele obaveze prema Davaocu leasinga, kao i da ne postoje potraživanja Davalaca leasinga prema Korisniku leasinga po osnovu obračuna drugog dijela usluga označenih u prethodnom članu, utvrđeni iznos više plaćenih troškova bit će vraćen Korisnik leasinga.

37.10 U slučaju da se obračunom utvrdi da su obračunati mjesečni, svih navedenih usluga iz prethodnog člana, manji od stvarno nastalih troškova na strani Davaoca leasinga, Korisniku leasinga će po tom osnovu biti ispostavljena dodatna faktura, dok je Davalac leasinga ovlašten da radi naplate ovog iznosa iskoristi sva sredstva obezbjeđenja data po osnovu Ugovora.

38. SREDSTVA OBEZBJEĐENJA PLAĆANJA DODATNIH USLUGA

38.1 Korisnik leasinga se potpisom na ovim uslovima saglašava da u slučaju kašnjenja Davalac leasinga može koristiti ugovorena sredstva obezbjeđenja iskazana Ugovorom o operativnom leasingu na način kako je to definisano čl. 10 ovih Opštih uslova.

III DIO - ZAVRŠNE ODREDBE

39. SUDSKA NADLEŽNOST

39.1 Za sve sporove proizašle iz ili u vezi sa Ugovorom, primjenjivat će se pravo Bosne i Hercegovine, Federacije Bosne i Hercegovine i Republike Srpske, a o sporu će odlučivati Općinski sud u Sarajevu.

40. OSTALE ODREDBE

40.1 Korisnik leasinga i Sudužnik su dužni, bez odlaganja, a najkasnije u roku od osam (8) dana od dana nastanka promjene, pismenim putem sa priloženim dokazima obavijestiti Davaoca leasinga o svim promjenama ličnog i porodičnog imena, kućne adrese, adrese poslodavca, promjenama sjedišta, poslovnog imena, osnovne djelatnosti, statusnim i drugim promjenama koje se registruju kod nadležnog organa, te promjenama ovlaštenja za zastupanje, što se posebno odnosi na lica ovlaštena za zastupanje, obim njihovih ovlaštenja i opunomoćenih lica, kao i svim drugim promjenama bitnim za nesmetano obavljanje poslovanja Korisnika leasinga sa Davaocem leasinga poput promjene zaposlenja, gubitka zaposlenja, smanjenja ili gubitka prihoda i drugih sličnih podataka. Ukoliko Korisnik leasinga ili Sudužnik ne ispuni ovu svoju obavezu, svaka dostava obavještenja i drugih pismena na adresu navedenu u Ugovoru smatrat će se važećom, bez obzira da li je Korisnik leasinga, odnosno Sudužnik primio pošiljku ili ne, a danom prijema preporučene pošiljke smatrat će se dan slanja iste od strane Davaoca leasinga.

40.2 Ukoliko je Korisnik leasinga pravno lice dužan je do kraja prvog kvartala svake kalendarske godine, u toku trajanja Ugovora, dostaviti Davaocu leasinga svoj ovjereni bilans stanja i bilans uspjeha za prethodnu poslovnu godinu.

40.3 Posebni dogovori su valjani i obavezujući za Ugovorne strane samo ukoliko su sačinjeni u pisanoj formi, potpisani od strane ovlaštenih lica i ovjereni pečatima ugovornih strana ukoliko je Korisnik leasinga pravno lice.



40.4 Moguća nevaljanost neke od odredbi Opštih uslova ne povlači sa sobom nevaljanost cijelih Opštih uslova. U ovakvom slučaju, nevaljana odredba će biti zamijenjena valjanom odredbom koja odgovara cilju i svrsi Opštih uslova. Na sva pitanja koja nisu regulisana ovim Ugovorom, primjenjivat će se odredbe Zakona o leasingu FBiH/ RS i Zakona o obligacionim odnosima.

40.5 U slučaju kolizije odredbi iz Ugovora, odredbi iz Opštih uslova poslovanja i drugih akata Davaoca leasinga, prioriteto važe odredbe Ugovora, a zatim odredbe Opštih uslova poslovanja i drugih akata Davaoca leasinga.

40.6 Svojim potpisom na ovim Uslovima, Korisnik leasinga potvrđuje da ih je pročitao, razumio i kao svoju slobodno izraženu volju preuzeo Uslove kao i sva prava i obaveze koje iz njih proizilaze.

40.7 Ovi Opšti uslovi su sačinjeni i potpisani u 2 jednaka primjerka, od kojih jedan ostaje kod Davaoca leasinga, dok se jedan predaje Korisniku leasinga.

40.8 Davalac leasinga će o izmjenama i dopunama ovih Opštih uslova obavijestiti Korisnika leasinga o svom trošku i to objavljivanjem putem svoje web stranice na adresi www.porscheleasing.ba. Smatrat će se da je Korisnik leasinga uredno obaviješten o izmjenama i dopunama Opštih uslova danom objave istih na web stranici Davaoca leasinga.

Ovi Opšti uslovi stupaju na snagu danom njihove objave na web stranici Davaoca leasinga.

Januar, 2023. godine

Korisnik leasinga

Davalac leasinga

Sudužnik

Broj ugovora o leasingu

Mjesto i datum